


AMUMVWE JWI LYAKWE

 Wa lumbwa, Mukwesu Neville. Ndi syoma kuti kwa kaambwa a Davida kuti, “Nda kakkomana cindi niba kandaambila kuteeti, katuya mu ng’anda ya Mwami.” Kuli cintucimwi kujatikizya kwiiya kwa Munsondo oko zibeela zimbi zya kuswaangana nco zita jisi, kufumbwa ciindi cimbi kwiinda isikati. Twa zwa kusinsimuka buyo kuzwa ku kupumuna kwa masiku, nkabela—nkabela tuli mvwa buyo bwandeene, alimwi mwa katalukwa a kuli bambila ku buzuba.

² Lino tu mvwa kuti...Busiku bwainda, twa kabuzya i—i bantu ikuti na baka jisi mbungano yabo...eyo njo bakali kujanikako, kuciindi ca kuswaya na—na...Nda amba, mamembala alyonse ku mabungano, nkabela beelede kujanika ku mbungano yabo cifumo cino. Nkaambo, swebo mukuba kabunga kaabanwa atuji, ta tuyanda ncobeni kutola bantu kuzwa ku bunga yabo.

³ Elyo Nda katamikizigwa ziindi zinji zya—zya kutapatila mabungano ambi. Oko kuli lubide. Nse tapatili mabungano ambi. Nda tapatila, ziindi zinji, zintu ezyo—ezyo nzyaba lekela zipilingene, pele nconzyo Nse tapatili mbungano. Pele, ziindi zinji, cindi bayiisya zintu ziimpene ku Magwalo, mpawo Nda—Nda tapatila eco. Elyo mpawo cindi bano cita zintu zya bubi, a— a ku cizumizya kucitwa mu mabungano abo, Nda tapaila eco. Pele kutacita...Mbuli buyo mbo cakati...Ndi jisi beenzuma banji bana Katolika bakkede awa, nkabela Nse tapaili bantu ba Katolika. Ndi tapatila njiisyo ya mbungano ya Katolika, nkaambo Nse syomi kuti nja Malembe. Elyo kwalo buyo Nda batapatila mbuli Mbwe tapaila tubungwe tunji twa Protestanti, nkaambo Nse yeeyi kuti nca Malembe. Elyo Ndili sinikizidwe kwiimina eco ca Bwini. Mwabona? Nywebo mulizi, Leza uyo kulumba ikuti na ulasyomeka, akusinizya buyo.

⁴ Nywebo mulizi, ziindi zinji, mwaalumi uyandaula mukaintu, mwaalumi wini oyo ujisi bwaalumi kunze lyakwe, ta yandauli mumsimi cakumaninina oyo mubotu loko—loko ku meso, na bumwi bumbi. Uli zyi kuti ezyo zyoonse ziyu mana, bumwi bwa mazuba aya. Mwabona? Ula yandaula oyo mwanakazi mu muciiimo cabuntu, mwanakazi wini. Elyo ikuti na ula syomeka, a mwanakazi wini, oyo mwaalumi uya kumulumba. Ta ndikwe ndaba loko ii—ii mulombwana mbwali mubi, a kunji mbwa kwenkwelesyanya koonse—koonse a banakazi babi; takukwe mwaalumi mubi mu inyika cita oyo uya kulumba mwanakazi oyo uya kwiiminina obo mwanakazi mbwaelede kuba ncobeni. Mbo mbubo. Nkaambo, ula cilumba eco.

⁵ Alimwi eyo nje nzila ku—ku kukambauka Ijwi, ikuti na mwaalumi uya kwiminina eco nca syoma. Lino kutali. . . Mula yeeya, Leza ulizi moyo wako. Elyo ikuti uya kwiima aceeco nco syoma ncobeni kuba Bwini, nkokuti ula konzya kuba a lusyomo muli ceeco nco ambaula.

⁶ Ndi jisi beenzuma basyoonto bali kabotu okuno. Mukwesu Caharlie Cox, Nda mubona kakkede alya. Elyo mvwiki zisyoonto zyainda, Nda kali kumusanza mu Kentucky a nguwe, mukuvwima basikaale, oko Nkwe jana kupumuna kumwi. Mukwesu Banks Wood. Elyo, lino, kwiiya mu ma raifo esu, ba. . . Nde elede kubamba yangu calondoka loko kutegwa ikayase kasaalo mayaaali ali makumi osanwe, nape Nse—Nse konzya kumvwima. Mwabona? Kwa mana.

⁷ Ee, ino cigwasya nzi kuyasa kasaalo? Mwabona? Nkaambo, ikuti na udubula sikaale, a kuuma ku mutwe, nkabela mutwe wakwe antela mupati *obo* koonse, kulikoonse mu nkamu ya mainci kuyooba kabotu, mwabona, kulikoonse omuya. Nanka umwi wa balombe aba waamba, “Oko kuli kabotu. Nda uma sikaale.” Bala zumanana a kujaya sikaale. Pele, kuli ndime, yeelede kulondoka ncobeni. Ye elede kuuma kasaalo. Tai konzyi ku kainzya ku kkota ya inchi. Ye elede kuuma kutako lya kasaalo, nape Nda libilika a kunyongana buyo.

⁸ Elyo Nda kali kkede, buzuba bumwi, mu zisaka, elyo Nda kaamba kuti, “Mwami, nkaambonzi—nkaambonzi Ndili simiyeeyo igambya? Nkaambonzi Wa kandi bamba kuba simiyeeyo igambya?” Nda kati, “Lino kuli. . .”

⁹ Mukwesu Banks wakaunka kuyo vwima a raifo yakwe, nkabela wa kiilesula kuti kadubule mukati, a kukubona kwa telesikkopu. Elyo nywebo buyo. . . Azimwi ziindi zisyoonto, inga wa. . . umwi uya kuleya, nkaambo ikuti ca. . . Misyonga yaka longelwa ku fakitori iyo cita eco, nekuba, nkaambo weelede kuba a musili wakayungizigwa aniini, a musili wakacesegwa aniini. Pele inga ya uma aniini buyo kuleya, na inchi yomwe na obilo, Mukwesu Banks waamba, “Oh, oko kuli kabotu, Nda muuma sikaale. Oko kuli kabotu.” Ta ci—ta ci mupenzyi. Charlie, nzila njionya. Pele Ndi. . .

¹⁰ Yangu yeelede kuuma kasaalo, mpoonya aakati, nape cila ndiyonganya. Nda kati, “Nda ba simiyeeyo igambya walyonse.” Elyo mpawo Nda talika kucebuka, nkabela Nda jana kuti buumi bwangu buli boobo. Obo mbo bupange bangu. Elyo Nda kayeeya, “Ee, nkaambonzi Wa kandi bamba boobo?” Kula ndibamba akwalo kulibilika ikuti—ikuti na yaleya aniini buyo nzila *eyo* na nzila *eyo*. Alimwi eyo nje nzila mpawo Mwami nja kandi yubunwida, nkekkede okuya, kutala ku Glutton Hollow, kufumbwa oko nko twa kabede, kuvwima. Cakuti, Nda syoma butegwa Dutton; pele, basikaale balalya cakubinda loko, Ndi kwiita kuti, “Glutton.” Aboobo ba. . .

¹¹ Atala aa busena obu, Nda kayeeya, “Mbo mbubo.” Nse kakonzya nokuba kuyiisya kuti kwakali gehena kusikila ni Nda kaba masimpe a njiyo. Mwabona? Elyo nkikaako ikuti na Lugwalo lwa kaamba kuboora kwa kuponesegwa kwa Buleza, elyo *awa*, boneka mbuli *boobu* a mbuli *boobo*; ikuti na Magwalo alati, “Taata, Mwana, a Muuya Uusalala,” mbuli kuti kuli Baleza botatwe, elyo *Mpaawo* Nda bona kuti kuli Omwe luzutu; elyo lino mbobuti Mbweyo unka buyo cantenda, kujatikizya bantu bamwi bambi, eco nco baamba kujatikizya Ncico, ku cibweza mbuli obo? Ikuti na Bbaibbele likanana zya kukanzwa a luzyalo, elyo *awa* ku jisi milimo, elyo *awa* ku jisi luzyalo. Elyo Nse—Nse konzyi ku cikambauka mbuli obo.

¹² Nde elede kubamba ceeco, a kwiinda, a kwiinda, a kwiinda mu Bbaibbele, kusikila cauma kasaalo kabotu, mwabona, kusikila cayutuka kabotu loko kwiinda mu Magwalo. Mpawo cindi Nda ima, Nda konzya kuba a lusyomo ncobeni muli ceeco Nce cita, mwabona, kuziba kuti obo mbo kambauka Mbwini. Mwabona? Elyo mpawo ikuti na umwi waimpana kujatikizya Ncico, waka cilangalanga kale kunji kusikila ulizi kabotu ncobeni eco Nca amba, awo aku mwiimika, mwabona, mpoonya *Awa*. Mwabona? Elyo nje nzila mboibede. Leza ula tubamba munzila zyandeene, cakuti inga twa cita buyo buteteete. . . Eco cibamba inyika munzila eyo. Pele, eco nce cindibamba kulibilika oko, musyobo wa muntu unyongene. Ce elede ku lulama ncobeni.

¹³ Elyo Ndili kkomene kapati, sunumasiku, sunu, eci—eci cifumo, ku kwaamba kuti Ndi lizi kuti Mwami Jesu ta fwide. Ula pona, alimwi Uli waano nconzyo mbubonya lino Mbwa kabede ciindi cili coonse mu inyika ku Galilaya na kulikoonse kumbi. Ula pona, wakabuka, Mwana ulikokonse wa Leza muumi. Nko kuti. . . Elyo ikuti na Nse kakonzya. . .

¹⁴ Ikuti na Nda kayiisya Lugwalo lwa Leza wakainda umwi, alimwi Nse kali masimpe kuti Wa kali kokuno, inga Nda—Nda nyonganisigwa koonse. Inga candibamba kulibilika loko, inga Nse ziba eco Nce kali kucita. Mwabona? Alimwi inga Nse ziba aakwaambila bantu. “Ee, lino, Uyo cita *ceeci*, na Uyo cita *ceeco*.” Nse—Nse konzyi ku mwaambila. Ta ndizi. Pele cindi waziba eco Nca kasyomezya kuti Uyo cita, a ku Mu bona kacicita, mpawo ulizi awo mpoi mvwi. Mwabona? Elyo kubona nzila Leza, mu mabambe Akwe mapati, mbwa kaziba buyo nzila ya kupanga muntu aumwi mbubonya buyo ku cintu cimwi, nkaambo Uya kuba belesya ku bukanze obo.

¹⁵ Mwa kamvwa mulindu oyo muniini kutala okuno, kaindi kakainda na? Muka. Stricker, kaimba kakutakwe ciimbo cimwi. Waa kajisi musyobo wa cintu cimwi ciniini nca kali kusiba, kuti ajane bulile, kkii yakwe—yakwe na kufumbwa mbo mucuuta. Elyo kukonzya kwiima a kwiimba a jwi eelyo lyaansi kapati, a kuli nyamuna, kuti, *Bwaato Bwa Ahoy!* Lino, mweelede

kuyo ndiimvwa kusola eyo ciindicimwi. [Mukwesu Branham a mbunga baseka—Mul.] Inga kwa kubija. Pele, nywebo mwabona, Leza waka lizi nzila ya kupanga oyo mwanakazi kutegwa a kacite ceeco.

¹⁶ Eyo nje nzila. Toonse tu jisi bupange bwandeene. Ikuti na twa konzya buyo kujana busena bwesu muli Kristo, elyo awo kukkalilila a ku Mu belekela.

¹⁷ Mwabona musimbi muniini uukkede awa, cifumo cino, mu whiluceya. Moyo wako uleleke. Ncinzi caka kulemanya, oyandwa? Milambi kuyabu-...kuyabu-...Oh, Nse konzyi ku lyaamba bbala, cindi Nda talika; kuyabukompama, na kufumbwa cintu. Sa mbo cibede, omuyandwa, caka kubamba kulemana, na ngu poliyo? Poliyo. Yebo ulizi, Jesu ulaponya basimbi baniini. Sa Ula cita? Uli musimbi muniini mubotu kapati. Elyo Nda syoma kuti Jesu uyo kulekela kuba kabotu.

¹⁸ Masiku ainda, abo basimbi bobilo baniini baka kkede awa a bulwazi obo cakuti takukwe naba muntu mu inyika uzi mbo bubede. Minwe yabo miniini ya kalebuka, a matende abo maniini akalebuka. Basimbi bobilo baniini babotu. Elyo Nda kacitika kuziba banyiba a banyinakulu. Elyo ndaka limvwa kusololelwa kutapatila dyabulosi oyo wakali kupenzya bantu baniini baka kkkede alya; mpoonya abusena. Elyo bakali mu whiluceya kwa cindi cilamfu Nce tazyi. Elyo masiku ainda, makani akasika kufumpa mukati, ku luwaile, “I masimbi baniini babuka, kabeenda koonse.” Nywebo mwabona eco, kuti i—kuti Mwami Leza wakali siluzyalo maningi kuli mbabo. Oh, Walo mubotu loko kuli ndiswe! Twe elede ku Mu lumba kunjji.

¹⁹ Mpawo Nda kali kuyeeya, masiku buyo ainda, Ne kamana kuya ku muunzi a kulala kwa maminiti masyoonto, Nda kali kuyeeya, “Cindi buntu bwazwa mu muntu, ino ncinzi?” Bwalo mbuntu bwakwe bwamukati obo bwakazwa. Ta fwide pe. Walo—walo ucipona. Mwabona? Walo—walo ula pona kwalyonse. Elyo bayandwa besu bakaunka kwindilila cisitilizyo eci, bali mu ii—ii mubili oyo ngo tutazi mboubede. Ta uyubunwidwe.

²⁰ Kuli zibeela zyoatwe zya zintuzyonse. Kuli cibeela ca mubili uufwika, mubili uufwika, alimwi mpawo mubili wabulemu. Mwabona? Mbali buyo zintu zimbi, mbuli...Taata, Mwana, a Muuya Uusalala, zinjila mu nzila yomwe, alimwi zyoatwe zibamba Comwe. Kululamikwa, kusalazigwa, lubbizyo lwa Muuya Uusalala, mu nzila, kubamba comwe. Mpawo, alimwi buntu, mubili, a muuya, zibamba comwe. Elyo cileenda muli zyoatwe, alimwi zyoatwe zili muli comwe. Elyo amubweze ii—ii gilazi ya mbali zyoatwe a kwiilazika mu zuba, iyo tondezya mibala, nekubaboobo, mibala ili ciloba iyo selemukila muli omwe.

²¹ Elyo amubweze uusubila, a kulanga kwiinda muli uusubila kuli uusubila. Mbangaye bazi mubala uyooba? [Mbunga yaamba,

“Uutuba.”—Mul.] Uutuba. Uh-huh. Sena eco tacili ceenzu? Cakuti, uusubila kwiinda muli uusubila, kuboneka uutuba. Uusubila walo ncitondezyo ca lununuko. Elyo cindi mwa. . . Leza alanga ku zibi zyesu zisubila, kwiinda mu Bulowa busubila bwa Mwana Wakwe uuyandwa, zila tuba. Aboobo, pele, We elede kulanga kwiinda mu Bulowa. Ikuti na taku cititi, balo mbasizibi. Aboobo twe elede kuba kungsi lya Bulowa.

²² Elyo cindi buntu bwazwa mu mubili, bula tola lweendo lwabo kunjila busena bwa kulyookezya, mu mubili uli mu ciwa a ciimo ca mubili oyu, pele tauli musyobo oyu wa mubili. Muya kuswaana bayandwa banu. Tamu kakonzyi kusukana maanza abo. Muya kukonzya kwaambaula kuli mbabo, muya kukonzya ku balanga. Ba boneka buyo mbuli mbo babede awa. Nkaambo, cindi Petro, a Johane, a Jakobo, niba kabona Musa a Eliya, ba kabaziba, aa Mulundu wa Kusandulwa. Pele, walo mubili.

²³ Pele mpawo cindi mubili oyo, musyobo wa mubili wakujulu, cindi waakupilukila ku nyika, uyo bweza i—i cintu eco mowakali kuponena ciindi cimwi, elyo mpawo waba mubili wapegwa bulemu. Alimwi oyo mubili ngo nguwo ngo tuya kubonename Mwami Jesu, mu mubili Wakwe wakabuka. “Takuna libonya obo mbo tuya kuba,” wakaamba Paulo, “pele tu lizi kuti tuyooba a mubili mbuli Wakwe Wini wabulemu, nkambo tuya ku Mu bona mbuli Mbwa bede.”

²⁴ Elyo aya maanza a acikama camaseelu akacembaala akusutana aya kuyabaalila mu bupange bubotu maningi bwa bukubusyi. Nywebo nomadaala a macembele, amuyeeeye, nywebo. . . Eci nci. . . Eco, eco ncaando ca kuwa, musela wanu wa kucembaala. Pele mu bubuke, taku kabi caando comwe ca cibi cili conse. Pele nkaambonzi Leza ncaka kupanga mbuli Mbwa kacita? Wa kakuleta ku musela umwi, cindi nokali kutandila myaka yakukomena ili makumi obile aibili, makumi obile aitatu, wakali kububotu bwako maningi. Wa kali kulya cakulya a kuya buyuma maningi, a kuba nseba mbotu maningi, a kuba muntu wakali kuboneka kuba wanguzu. Mpawo, kumene obo, wa kasutana kuyabaala, bona, lufu lwa katalika kuba. Pele, mu bubuke, musela wakucembaala oonse uyo manizigwa.

²⁵ Nda lingide awa ku mukambausi muubauba a mukaintu wakwe. Bali mu kukomena kwabo kwa makumi ali lusele, Nda yeeyela. Mukwesu a Mucizi Kidd, kaba kambauka Makanimabotu antela Nke tana kuzyalwa; nkabela Nda ba mwaalumi mudaala. Elyo Nda babona kaba kkede awa, banabukwetene baubauba, bakacembaala baboneka caluumuno. Elyo Nda yeeya buyo, kuti, mu bubuke, obo mbobaya kuboneka. Kwalo kusutana kwakale, a kusukana maanza akankama a kuyuminide, a masusu aamvwi ayo yabaalila mu bupange bubotu maningi bwa bukubusyi. Cila

gwasya loko kubelekela Mwami. Cila cita ncobeni. Tuya ku Mu bona, buzubabumwi.

²⁶ Ndalibuzya ikuti na Rosella Griffin mpali. Ndi yanda nguwe kuti abe akwaamba majwi. Ii cakolwa muubauba oyo waa kazwa kuponesegwa. . . okuno, myaka misyoonto yakainda. Alimwi eco inga cagwasya cakolwa umwi uli waano. [I mucizi mu mbunga waamba, “Mukwesu Branham, waa unka ku muunzi cifumo cino.”—Mul.] Wacita kuunka ku muunzi cifumo cino. Ncibotu. Nkaambo kabotuloko! Nda kayeeya masiku ainda kuti Nda keelede kumulekela kwaamba cintucimwi. Ne kacita, ikuti na Nda kalicizi, kuti uya kuunka cifumo cino. Zintu zinji maningi nze Ndi yanda bantu ba cikombelo kumvwa.

²⁷ Lino, sa kuli uuliko ano weelede kubbizigwa, cifumo cino, mu maanzi? Atu bone. Wani, tuu, thrii, foo, faivi, sikisi, kutandila kuli bali sikisi na seveni ano beelede kubbizigwa. Elyo mulimo wa kubbizya ula tobela eci ciiyo cakwiiya Munsondo.

²⁸ Lino, kaanda kakuyiila Munsondo ka Mucizi wesu Arnold, ka twana twakwe tuniini, ka lesegwa. Elyo tuyo buyo, ikuti na uya kucita, Mucizi Arnold, tuyo tandila kweelela kusaya kusikila buzuba butobela, nkaambo ta tujisi kaanda ka cikolo. Elyo Ndila bala Lugwalo lumwi awa mu maminiti masyoonto, lwa bana baniini, nkabela eyo ciyo bapa cintucimwi ca kuyeeya, abalo. Alimwi Munsondo mutobela muya kuzumanana a kuswaangana kwanu kwalyonse a kwiiya kwa Musondo. Lino, tu yanda kwaamba. . .

²⁹ Nceeci cintu cimbi Nce yanda kwaamba cifumo cino. Nse—Nse—Nse kabaambila ku cita ceeci, pele baka cicita, nekuba. Mwabona? Oyo wakali, mulumbo wa masiku ainda waka letwa kuli ndime, mwabona, mulumbo. Nda ka baambila kuta cita ceeco, mwabona. Elyo ba. . .Pele ba kacicita, nekuba. Elyo cindi. . .Nse kacizyi kusikila Billy naka ndaambila kuti mukwesu Doc waka uleta kuli nguwe, okuya ku ng’anda yakwe. Elyo Nse na kuubala pe, pele Ndi syoma kuti wa kaambwa kuteeti wakali kutandila ku myaanda yotatwe, na kwiindilila aniini ku myaanda yotatwe. Sa eco. . .Ula yeeya, Doc, wakali ongaye? [Mukwesu Edgar Branham waamba, “. . .makumi obilo aone, kkumi aobilo.”—Mul.] Cakali cinzi eco, mukwesu? [“Otatwe, makumi obilo aone, kkumi aobilo.”] Myaanda yotatwe a makumi obilo aone, kkumi aobilo. Nda mulumba, kapati nconzyo.

³⁰ Lino, Nse kaliko aa ncito kwa ciindi cilamfu. Nywebo mulizi obo. Elyo mulembi wangu mbwaliko, na bamwi babo okuno cifumo cino, balizi kuti kubelesya kwangu kwamali, takukwe makani oko Nkwe bede, nkoonya okuno ku muunzi, kula nditolela kwiinda ku madollar ali mwaanda abuzuba, zya maofesi angu a zintu zya kutumina tutambala a zintu koonse ku inyika, mu kubelesya kwamali.

31 Elyo Ndi—Ndi yanda kwaamba ceeci, kuyumya yumya ku bantu okuno, nekuba. Ku mweelwe wa bantu, oyo mulumbo mupati wiinda Ngwe kasola kutambula mu buumi bwangu. Sa mulamvwisya kuti inga watandila kuba dollar ku kabeela, kwakatikati? Alimwi kanji kufumbwa wa milumbo kumasena amu ncito uyo tandila kuba akatikati, kutandila kuba masenti ali makumi obilo aobilo na makumi obilo aosanwe ku muntu omwe. Pele oyu wali waakatikati ka dollar ku muntu omwe. Nkaambo, Ndi lizi kuti tamu konzyi kunjila awa...Taba bwezeleli milumbo aanze. Alimwi tamu konzyi kusyankana mu busena obu buniini, kutandila bantu bali myaanda yotatwe, Nda—Nda zumbauzya. Sena ulizi cikombelo mbo cikkwana ku zyuuno, Mukwesu Neville? [Mukwesu Neville waamba, “Kweeledede kuba amwi kutandila myaanda yotatwe, nzila mbuli mboi cibede lino.”—Mul.] Kutandila bantu bali myaanda yotatwe. Aboobo, mwabona, oko nkutandila ii—ii dollar ku kabeela. Leza ulizi nzila Mbwe cilumba eco. Nda mulumba kapati nconzyo. Alimwi ula inka ncobeni kugama mu mulimo wa Mwami. Nda—Nda mulumba kuli nguwo. Elyo nkambo i. . . Ikuti na bamwi babo bala citika kuunka kakutanaba masiku, nkaambo. . . alimwi Ndi. . .

32 Cindi Ne kaunka ku muunzi masiku ainda, kwaka bikkidwe kabbokesi kaniini mu kkota, mbuli *kaaka*, alimwi ca kali ii—ii cikama ca mulolo wa micelo, Nda syoma, oyo wakazwa ku muntu uumwi. Nywebo mulizi, Nda yandisya mulolo wa micelo. Elyo Nda—Nda ulumba oyo. Elyo ii—ii mucizi awa, walo ncibotu Nta iti zina lyakwe. Walo mweenzuma wamunsi ku mukwasyi wesu, alimwi waa kasiya cipo ca luyando kunselelo kuli bwa baama, ca ndime a ca Billy. Yebo tozi, mucizi, nzila Mbwe cilumba eco, a ceeco ciindi ne cinjila.

33 Elyo, oh, zintu zinji loko! Mula mvwisya. Elyo Ndili masimpe kuti Ula mvwisya. Elyo aboobo Ndi syoma buyo kuti Uyo leleka umwi aumwi wanu, cakwiindilila kapati. Nda lombozya ni cali boobo kutegwa Nda konzya kuya ku muunzi a umwi aumwi wanu, a—a kukkala a ndinywe kaindi kaniini, a kwaambaula a ndinywe. Nda yandisya kucita ceeco.

34 Pele, cili, nywebo mulizi mbo cibede, cila zumanana kweenda. Twe elede kuunka cakubinda. Mukasimpe, kwamana biyo kuswaangana sunumasiku, na Mwami wayanda, Ndi lazwa mu cisi, mbo kutamanine buyo kuswaangana. Nde elede kuzwa okuno twelufu okuloko kaitana kkwana. Ndi jisi cipangano aa twelufu okuloko. Alimwi Nda zula, masakati aya. Alimwi Nda. . . Nywebo mulizi kuti ncinzi. Nkuzumanana buyo kweenda, ciindi consee; bantu baciswa, bafwa.

35 Elyo ziindi zinji Nda inka mu busena, a ku noimvwi buyo alya, elyo muntuumwi wa boola, akwaamba, “Uli ndizi na, Mukwesu Branham?”

“Peepe, Ta ndizi.”

³⁶ “Baa, Nda kali lede mu cibbadela, cakufwa, cindi nokasika kundi kombela. I Mwami wakandi ponya.” “Nda kali moofu cindi nokandi swaana mu kagwagwa, obo buzuba cilengaano nicakasika.” Mwabona? Elyo Nse—Nse kacizi mbo cibede.

³⁷ Pele Ndi yeeya oyu umwi muyeeyo wa cileleko, Mukwesu Egan, cakuti, buzuba bumwi cindi Nda kukambauka nkambauko yangu yamamanino, Nda kukombela muntu wamamanino oyo Mwami ngwayo ndiyanda kukombela, nkabela Njo unka ku Muunzi! Elyo ku bubuke obo cifumo, oh, ino buyooba buzuba, lutangalo! Cindi Nda kukonzya kwiimikila Okuya, cindi namalelo wa Kumusanza nayo boola, Njo konzya kubona koongelezya nkwa kajisi! Njo bona ka kuboola Okuya, Billy Graham, koongelezya nkwa kajisi. Oral Roberts, a bamwi bonse, Sankey, Finney, Moody, Calvin, Knox, abamwi bambi. Mpawo Njo bona nkamu yangu kaiboola. Oh, alo luya kuba lutangalo, oyo uya kuba musyini wangu. Mbo mbubo. Alimwi, ku luzyalo lwa Leza, Ndi lagila kuyooba abali mamilioni masyoonto Okuya.

³⁸ Elyo lino Nde elede kuya kumasena alandukwa lwizi cakufwambaana. Elyo lino, kuciiimo mbuli Mbwe zyi, moonya mu miswaangano yesu, amu ciyeeye buyo, Ndili mu bantu bali mamilioni angu abili, bakuleta kuli Kristo. Elyo Ndi—Ndi syoma kuti Njo bona mamilioni manji, manji ayo sandulwa.

³⁹ Lino, mulimo wa lubbizyo, alimwi lino i—i zipangano a zintu. Elyo, lino, oku nkuzumanana kwamana muswaangano.

⁴⁰ Ikuti na kufumbwa ciindi nojokela ku kukubuzanyanya kwa kumbali, na zimwi zimbi, kotumina buyo mwiiminizi, Mukwesu Mercier okuno. Twe elede kuba a musyobo umwi uubambidwe, oyo ngo tweelede kuba awo. Tu lizi obo. Elyo Mukwesu Mercier, ulaa tola anselelo, ula bikka anselelo mbuli mbwa boola, alimwi Mbweyo manina buyo zipangano, zyoonse zyawo zyamana, Ndi. . . Cindi Nda kusika, Njo mutumina a kumwaambila kuti, “Nda manizya nkamu eyo.” Ula ndipa nkamu mpya, nkabela Nda unka alubo, nywebo mwabona. Mpawo, yoonse milimo iizwa mu ofesi eyo. Elyo uli zyi nzila ya kwaabamba kutegwa inga wa konzya kunjizya umwi aumwi, abo bakonzya kunjila, nywebo mwabona. Aboobo, tuli lumbide kapati kuba a ofesi eyi niini kiibeleka mbuli mboi cita. Aboobo eyo ngu BUTler 2-1519 buyo. [Mweelwe wa telefooni wakacincwa.—Mul.] Elyo ngu. . . Na, ikuti na watumina ku Jeffersonville, kondi tumina buyo, nkabela bayo vwiila okuya ku ofesi eyo. Elyo mwalumbwa, cabuuya loko.

⁴¹ Lino atu, katutana buyo kujula Ijwi Lyakwe lilelekedwe. . . Elyo amuyeeye, oku kuswaangana kwamana buyo, a mulimo wa lubbizyo, Billy unooli kookuno ku kuvozya makkadi aa mipailo akwa sunumasiku.

⁴² Lino, sunumasiku, mukuba masiku aambungano, masiku Munsondo, bunji bwa bantu bamu dolpop banooli mu mambungano abo eni, a koonse ku Louisville a koonse. Ba nooli mu mambungano abo eni. Pele kuyooba buyo baanze kanji. Nkikaako, Ndi yeeya kuti ndiza tula konzya kundandamina mundando mupati wa mipailo sunumasiku a kukombela umwi aumwi wabo. Ndi syoma kuti tula cita. Tu jisi makkadi a mipailo masyoonto akubwene kubusena.

⁴³ Ndi—Ndi yeeya kuti, masiku ainda, nikwakainda masiku amamanino, oh, Nda kalimvwa buyo mbuli kuti Nda kali kuyo bweza olo lumwi, oh, kuuluka olikke, nywebo mulizi, nko tukanana. Kubona buyo, mu cikombelo eci ciniini cakale, alubo, maanza kali mujulu.

⁴⁴ Ndi jisi mulombe muniini awa, walo mulombe buyo koonse, Joseph muniini. Walo utandila buyo ku myaka yotatwe yakukomena. Elyo cindi boonse nibakali koongolola, ikuti na ta sotoka mpoonya awo akati ka kazila a kuwaala maanza mujulu, a kutalika koongolola a kulumbaizya Mwami, mpoonya aakati ka kazila okuya! Elyo Ndi yeeya kuti, cifumo cino, wa cinjila a mucizi wakwe muniini, a ku mubakula ku kuboko, abooo Nda mwaambila kuti koongolola kwakwe ta kukagwasyi loko kufumbwa kuti kali lilemeka boobo. [Mukwesu Branham a mbunga baseka—Mul.] Oh, ma! Abo balombwana baniini, bala konzya kuswena muni lyako ncobeni, tabakonzyi na? Ee, mubwini, obo mbo cakabede, wa kabona buyo bamwi babo kaba cicita a kuyeeya kuti eco nce ncico nceeleda kucita, awalo, alimwi antela kutobela ndiswe, nzila mbo tucita.

⁴⁵ Lino tu jisi Ijwi Lyakwe libikkidwe kali julidwe awa. Lino atu kanana buyo kuli Nguwe kujatikizya Ndilyo. Lino buyo ii . . .

⁴⁶ Oyandwa Leza, mbuli mbo tu boola kuli Nduwe ndyoonya lino, cabulemu, cabutontozi, cakubatama, a mu lusyomo, mukusyoma kuti Wa mvwa akuyo vwiila mupailo. Nkaambo, twa boola mu Zina eelyo lili jisilidi kuli zyoonse lya Mwana Wako, Mwami Jesu, Oyo Walo utakakilwi, a kupa cisyomezyo, cakuti, “Ikuti na mwalomba cili coonse kuli Taata mu Zina Lyangu, Njo cicita.” Mpawo tu lizi kuti tuya kutambula nciconya nco tulomba, nkambo twa boola mu Zina Lyakwe. Nkambo ta tujisi Zina limbi ndyo tukonzya kubolela kuli Nduwe, Leza, mupati Jehova singuzu. Elyo twa boola mu luzyalo Lwakwe, kutali kulyambilila kuti tu leelela ku cintu cili coonse, pele nkaambo kakuti Wa kabamba mulungo kuli ndiswe, muli oyo Wa katufwida. Elyo Wa kalungila zibi zyesu, nkabela tu limvwa kuti inga twa ima katu lulamikidwe mu meso Ako, kwiinda ku lufu Lwakwe. Olo ndo lusyomo lwesu. A kuta lombamba cintu eco cinga caakuba bubi, pele eco cinga caakuba cibotu kuli umwi aumwi wesu.

⁴⁷ Nkikaako, Mwami Leza, kanana kuli ndiswe kwiinda mu Ijwi Lyako. Alimwi kanana kuli ndiswe mu Jwi eelyo, kutegwa tu mvwisye a kuziba buyo nzila yakuba baalumi a banakazi, balombe a basimbi bali kabotu loko. Mukuziba kuti mulyango mupati kulaale ku lufu, kuti, ciindi acimwi moyo wesu wa duntaana, tuba aku duntaana komwe muni loko ku mulyango oyo ngo tuya kunjila toonse. Alimwi mpawo mukuziba, kuti, twaa kumana kuba mukati omuya, takukwe coolwe comwe alubo cakusola kuyanzana. Takucikwe alubo kuti inga twaba a coolwe eci nco tu jisi ndyonya lino. Elyo mukuta ziba buyo cindi ni tuya kuzabuka munkali oyo, O Leza, boola kuli ndiswe cakufwambaana a kutu letela maanu nge tweeleda kuba awo, a kuziba nzila ya kuswena kuli Nduwe, a kutu kombelezezya kaambo kesu kumbele Lyako a kulombela luse. Ko cipa, Mwami.

⁴⁸ Tuli bantu babulide. Tuli mbelele, kwiitila Mweembezi uya kutu sololela kwiinda mu buumi, a kuni kwiinda mu kkuti lya cimvule ca lufu. Mbuli Davida, wakale, mbwa kati, “Nse kayoowi cindi Nda kusika ku busena obo,” nkaambo Mweembezi uya kundi sololela ncobeni kwiinda mu busena obo, kusikila matende angu aka sitikile cakutonkomana aa Nkomwe eyo yabulemu, oko musela wakukomena a malwazi a buusu a lufu nko ziya kutu tija, nkabela tuya kwaanguluka, Okuya, kwalyonse.

⁴⁹ Kanana, Mwami. Oyu uyandwa muniini wa meso abalama wa muntu umwi, uukkede awa kumbele lyangu, mu whiluceya eyi; nsekonzyi ncobeni kugwisya meso angu kuzwa kuli nguwe sunu; wakalemana koonse a poliyo oyu, eco mubi nca kacita kuli nguwe. O Leza, koleta kuvunwa ku muyandwa oyo muniini. Ko cipa, Mwami. Kutali biyo kuli nguwe, pele kuli bamwi ano balindila. Lekela Muuya Uusalala Wako ubasumpule atala loko, cifumo cino, kutegwa baindilila kunzwiima koonse kwa kuzumbauzya a lubaya loonse lwa cibi, kuti Muuya Uusalala Wako ukonzye kweenda ali mbabo a kuba ponya. Kopa zintu ezi, Mwami. Nkambo twa lumba zilongezyo ezi ku bulemu Bwako, mu Zina lya Mwana, Jesu Kristo. Amen.

⁵⁰ Lino, Nda sala cibalo cifumo cino. . . Elyo nywebo nobana baniini amundi lekelele, ku kubweza ciindi coonse a bapati, a kkilasi yanu taiko ano, kukuba cifumo cino. Pele Ndi yanda kuti mumvwe, akwalo, eco Nce yanda kubala. Elyo Ndi yanda kubala, cifumo cino, kuzwa kuli Samueli Mutaanzi, cipati ca 3.

⁵¹ Elyo Ndi yanda kubweza ku cibalo: *Amumvwe Jwi Lyakwe*. Eci ciyo cita ku basimbi baniini a basimbi bapati, a balombe baniini a boonse. Amuyeeye cibalo: *Amumvwe Ijwi Lyakwe*.

⁵² Lino, nywebo nomu jula mu Magwalo, kuli Samueli Mutaanzi, cipati 3, mboobu nzila mbo yaamba ku tumpango tuli kkumi tutaanzi.

Lino mwana Samuele wakamanina MWAMI milimo kumeso aa Eli. Elyo ijwi lya MWAMI lya kali kuyandika ku mazuba ayo; kwakanyina cilengaano caka jukide.

53 Oh, obo Mbwe nga ndayanda kukkala awo kwa kaindi kanini, ndiza ciindi cimwi cimbi. Cila ndibotelezya nconzyo. Andi cibale lumwi alubo, kampango ako.

Elyo mwana Samuele wakamanina MWAMI milimo kumeso aa Eli. Elyo ijwi lya MWAMI lya kali kuyandika ku mazuba ayo; nkambo kwakanyina cilengaano caka jukide.

54 Amubone obo cilengaano mbo cibede, kai? Ndi Ijwi ligaminina ilya Mwami. Mwabona? Elyo Ijwi lya Mwami lyakali kuyandika loko.

Elyo caka boola kucitika ku ciindi eco, cindi Eli na kalede mu busena bwakwe, nkabela meso akwe akatalika kofwaala, cakuti takali kukonzya kubona;

Elyo mpaawo lampi lya Leza lya kazwa mu tempele lya MWAMI, oko bbokesi lya Leza nkolya kabede, nkabela Samueli wakali lede kukoona;

Cakuti MWAMI wakaita Samueli: elyo wa kavwiila kuti, Mpaawa Mpe ndi.

Elyo wa kazuzila kuli Eli, a kuti, Mpaawa Mpe ndi; nkambo wa ndiita. Elyo wa kati, Nse kwiita pe; kalale alubo. Elyo wa kaunka a kuyo lala.

Elyo MWA-...Elyo MWAMI wakaita alubo, Samueli. Elyo Samueli wakabuka a kuunka kuli Eli, a kuti, Mpaawa Mpe...Mpaawa Mpendi; nkambo wa ndiita. Elyo wa kavuwa kuti, Nse kwiita pe, mwana wangu; kolala alubo.

Lino Samueli takalina muziba MWAMI, naanka kuti ijwi lya MWAMI teelya kalina yubununwa kuli nguwe.

Elyo MWAMI wakaita Samueli alubo ciindi catatu. Elyo wa kabuka a kuunka kuli Eli, a kuti, Mpaawa Mpendi; nkambo wa ndiita. Elyo Eli wakaziba kuti MWAMI wali mwiitide imwana.

Nkikaako Eli wa kaambila Samueli kuti, Koya, kalale; nkabela akuyooba, ikuti na aka kwiite, kuteeti yebo ukati, Kanana, MWAMI; nkambo mulanda wako uli mvwide. Aboobo Samueli wa kaunka a kulala mu busena bwakwe.

Elyo MWAMI wakasika, a kwiimikila, a kwiita mbuli ziindi zimbi, Samueli, Samueli. Elyo Samueli wakavuwa, Kanana; nkambo mulanda wako uli mvwide.

⁵⁵ I Jwi lya Leza! Kumvwa Jwi Lyakwe mu buzuba obo cakali cintu ceenzu. Mwabona, kwakanyina cilengaano caka jukide. Elyo cakali cintu ceenzu, Jwi lya Leza lini, nkaambo bantu baka pambukide. Ba kali jisi cikombelo, mu buzuba obo, eco cata kali kutobela ncobeni milao ya Mwami. Ba kali jisi ii—ii mukutausi wa zina lya Eli. Elyo wa kali pambukide kuzwa kuli Leza, kwiinda ku kuyiisya buyo milazyo eyo bantu njo bakali kusyoma. Ikuti na eco ta cikozyenye mane buzuba obuno! Wa kayiisya buyo bantu, alimwi wa—wa kabweza bamwi bakusala kwakwe, alimwi wa kali jisi bana balombe bakubweza babotu loko ku bantu kuzwa okuya, tulobyoy, kuzwa ku i—i cipaizyo. Elyo bwakaba busena oko cipaizyo nko cakali cintu cipati. Elyo Samueli, cabuyamba buyo kujatikizya nzila eyo nja kalanganya milao ya Mwami. Elyo Ijwi lini lya Leza cakali cintu ceenzu.

⁵⁶ Eyo nje nzila asunu. Tula unka ku cikombelo a kujana bantu kaba njila a kuba kujila kupati, “Tu yanda kubamba kabungwe kesu, uno mwaka, bamwi banji *loko*. Koleta lugwalo lwako kuzwa ku cikombelo cako cimbi, a kukamantana a ndiswe.” A twaambyo mbuli, “Ii bali milioni bambi mu ’44.” Elyo zyoone mbuli ezyo, koompolola, kusola kukomena kwiinda kabungwe katobela. Elyo mu kucita boobo, twa kalosya micinjili, ya Bbaibbele. Twa kapambuka, a kutalika kuyiisya zintu zyandeene.

⁵⁷ I basinsimi ba kaamba zya mazuba aya, kuti cindi, “Balo, ku kuyiisya, tuyo yiisya njiisyo ya bantu akutali Njiisyo ya Leza.”

⁵⁸ Elyo tula bona kunji kwa zeezyo, alimwi cakeenda kwa ciindi cilamfu, kusikila, sunu, Ijwi lya Mwami ncintu ceenzu, cakuti muntu umwi inga wasika a kwaamba, “MBUBOUBU MBWAAMBA I MWAMI.” Lino, twa kali jisi kuli kozyanisya kunji kuli ceeco. Saatani uli mukubeleka nconzyo. Elyo myaka minji yakainda, bantu bakali kuyoowa kwaamba boobo citakuti wakali Mwami. Pele, sunu, tabakwe ndaba buya. Pele ncintu ceenzu kumvwa Jwi lya Mwami, a kujana muntu unga wati, “I Mwami waakanana kuli ndime.” Mula cibona eco akati ka bantu, limbi, cakuti tabamvwi ciindi baamba kuti, “I Mwami waakanana kuli ndime.”

⁵⁹ Cindi, bamaalumi a banakazi nibakali kukomba masiku oonse, a maanda aba aka bikkidwe mu matobelanwa, kwiinda ku Bbuku lya Mwami, nkabela Leza wakali mutaanzi mu ng’anda yabo.

⁶⁰ Mwabona, tu jisi zintu zinji loko kunembo lya Mwami. Tamu konzyi kuba muswaangano wa mipailo, nkaambo Ba. Godfrey banooliko sunumasiku. Tamu konzyi kuba a muswaangano wa mipailo, nkaambo *Tula Muyanda Sacy* unooliko sunumasiku. Na musyobo umwi wa bufuba mbuli oyo, oyo utolela ciindi, nkabela ta tukonzyi kuba a ciindi ca kumvwa Jwi lya Mwami. Elyo abo bataminina kuba Banakristo, bafugama buyo, a mupailo muniini

mbuli oyu, ubaanga waka bambilwa kung'anda, "Mwami, ndileleke a mukwasyi wangu, a kutu mamela. Kusiye kabotu." Elyo cifumo citobela, kubuka a kwaamba, "Ko tweenzya buyo kwiinda mu buzuba. Buzuba bubotu."

⁶¹ Twe elede kulindila ku Mwami. Nywebo mwabona, tula cita kwaambaula koonse. Ta tu Mu pi ciindi caku tuvwiila. Cakuti, ikuti na twa komba, a kukomba kusikila buntu bwesu kwasika mu Busyu bwa Leza, elyo mpawo kupumuzya buyo a kuswiilila Jwi Lyakwe.

⁶² Pele kuli majwi manji loko, sunu, ayo agusya Jwi lya Mwami kuzwa kuli ndiswe. Kuli jwi lya misaalo. Bantu banji loko bala swiilila kuli leelyo, oko nko bakonzya kuunka a kuba a ciindi cibotu. Alimwi bunji bwabo balibanda kuba Banakristo. Musyobo umwi wa cizyano cakuliyuumba buniini ciboola, taba konzyi buya kuswiilila kuli ceeco cabuleza. Ba lati, "Ee, Ndili Munakristo, Nde elede kubala kampango mu Bbaibbele sunu. Inzya, 'Jesu wakalila.'" Nce ncico. Amuzumanane. Pele mpawo kufugama ncobeni a kukomba, ba jisi zintu zinji loko zimbi zya kucita. Kuli majwi manji loko mu iyika, zintu zinji loko zya kutukwelelezya kuzwa kuli Leza.

⁶³ Elyo jilo, cindi mukaintu a Mebo ni twa kazuzila ku supamaaketi, kuyo ula zimwi zyakulya azyakubelesya. Elyo Nda kali kubinda nkaambo Nda kali mukide ku zipangano a zintu, a kubindila ncobeni. Elyo kwakali mulombe muniini wakaimvwi alya, wakali kufukula, a musimbi wakali muubauba wakasika ambali alya kasamide bulukwe bumwi buniini, obo bwakali kuzulilwa ku mwaalumi umwi. Ba kacita, nkaambo aka bambilwa mwaalumi.

⁶⁴ Elyo Bbaibbele lilati, "Calo ncisesemyo ku meso aa Leza, ku mwanakazi ku busama."

⁶⁵ Alimwi akunji oku kwa misila ku milomo awa, a meso akwe katandila kufukula, waa kati, "Uli kuli *niini-a-niini*?" ku mulombe oyo muniini.

Wa kati, "Mbobuti mbolangila kuti ndizibe?"

⁶⁶ Waa kati, "Ko yeeya, Nse njila kusikila sikisi okuloko cifumo cino." Elyo takali kwiindila ku myaka ili kkumi ayobilo yakukomena.

⁶⁷ Lino, Jesu, kali aili kkumi ayobilo, walo wakali mukozyanyo wesu, wakati, "Sena tamuzyi kuti Nde elede kucita mulimo wa Taata Wangu?"

⁶⁸ Ta cigambyi Jwi lya Leza ncintu ceenzu sunu. Lila tontozegwa, ku majwi manji loko aindene, zintu zinji loko ezyo zizimya a kugusya. Ca sika ku busena kusikila ca lebula magano esu, kusikila ta tukonzyi kumvwa Jwi lya Leza. Magano esu, oko nko tweelede kuli zungaanya tobeni, a kumwisywa kuti muli bamaalumi a banakazi, alimwi muli zilenge zya Leza, alimwi

mwa kabikkwa ano kuku Mu belekela. Pele jwi lya Saatani a basinsimi babeji, “Oh, amube basyaasunu!”

⁶⁹ Mbuli Mbwe kali kukanana mazuba masyoonto ainda, Nda kali kuboola ku cikombelo, nkabela Nda kayasya redio yangu. Elyo Nda kamvwa bubambe kuzwa ku Louisville, obo bwakati bakali kuyiisya bana babo, mu mambungano, kunywa buyo bweelede. Kubabamba kuba basyaasunu, kutegwa ba taunki kuba badakwi.

⁷⁰ Oh, beelede kuba yiisya Kristo, kutali kunywa. Elyo oko kuyo palanganya a kunyonganya a kunyonyoona ng’anda ili yoonse. Mbobuti Jwi lya Leza mboli konzya kukanana akati ka mukwasyi oyo unikiidwe a whisiki kumwi, elyo mizeezo yabo ilebukide ku kufweba a kunywa, a busiku boonse kukumbatana?

⁷¹ Bamaalumi abo balindila kuli Leza, bakasika mu Busyu Bwakwe. Alimwi kusika mu Busyu bwa Leza kuli buyo mbuli kufuma cifumo, cindi mume a zimbulwe zyaabuci nozili kabotu. Cindi wasika mu busyu bwa muntu mbuli oyo, ulizi kuti wakali antomwe a Leza.

⁷² Mukaintu wangu waamba kuli ndime, katuselemuka, cifumo cino. Waa mba, “Billy, Ta ndaambi ceeci kubotezya umwi. Pele,” waa mba, “masiku ainda,” Nda syoma, na bumwi bwa masiku, waa mba, “Nda kali kkede muni lya banakazi baubauba bana Amish, a mulindu muniini kasamide ngowani niini a mutwe wakwe.” Waa mba, “Alimwi inga waziba kuti mwanakazi wakali antomwe a Jesu, nkambo wakali kabotu loko. Buntu bwakwe bwakali kunonezya. Meso akwe kali bateme.” Takukwe cibi na cintu cakusisa kusule, na kufumbwa. Waa kali mu Busyu bwa Leza. Magano akwe taka lebukide, ku whisky a tombwe, a misyomo yoonse ya zintu zya inyika. Waa kali katulukide kuzwa ku Busyu bwa Leza, kabala Bbaibbele lyakwe, kalangalanga Ijwi lya Leza.

⁷³ Pele, swebo tobana America basunu, nco tu cita! Elyo basinsimi babeji kusule lya cikambaukilo kabaamba kuti cili kabotu. Nda ba amuyeeyo akubaanga nkwaamba boobu. Ikuti na Nda lubizya, Leza undi jatile. Nda lamwa kuti bunji bwabo tabamuzi Leza. Alimwi mbunga taika kaponi atala maningi kumwi kwiinda mweembeli wayo. Ta cigambyi Lugwalo lulati, “Aba beembezi, nzila mbo basabalanganya butanga! Maawe kuli mbabo. Balo mitabi eyo iitazyali micelo, eyo iya kukokolwa a kuumpwa.”

⁷⁴ Zintu zinji loko zya lebula magano aa bantu sunu! Oh! Pele akati ka zyoonse ezyo, nekuba kulebula koonse a jwi lyoonse lili mu inyika sunu! Bamwi awo, majwi amisaalo. Amwi awo alo—alo majwi abubi, akoongelezya bantu. Pele nekuba kaniini koonse ka ceeco, Bwini bwa Leza bucili mbubonya, “Oyo uya kumwa Jwi Lyangu aku Ndi tobela!” Bamaalumi a banakazi

baya kumvwa Jwi Iya Leza, Leza ucilindila kukananan ku mugame aumwi uyo jula matwi akwe ku kumvwa Jwi Iya Leza.

⁷⁵ Ikuti na muntu, oyo mbwa bede, a mweembeli. . Ziindi zinji, bantu balaamba, “Sa inga tocita *eci*? Sa inga tozuza *awa*? Sa inga tocita *eci*?” Oh, Nda yanda ku cicita. Pele Nde elede ku kkala mu Busyu bwa Leza ikuti Nka cite kabotu cintu. Mpawo bantu balaamba, “Oh, Mukwesu Branham ngumwi wa basikuli tantamuna.” Eco tacili ncico. Nda yandisya bantu, pele kuli bali zyuulu babo. Pele Nde elede kukkala Anguwe, kujana ceeco Ncayo ndi yanda ku baambila. Kubusenakumwi, kuswiilila buyo, Uyo oba a cintucimwi canu, eco Nca yanda kuti mukazibe.

⁷⁶ Mweembeli utanopakasyi maningi pele eco ncokonzya kkala mu Busyu aku swiilila ku Jwi Lyakwe. Leza lyonse ula bamba Ijwi Lyakwe. Alimwi tacikwe makani obo ciindi mbocili cibi, na nkunji buti mbungano yako ncoyiisya ku lilwana, Jesu Kristo ucilibambila kukanana Jwi elyo liniini lyabuumuzi ku muntu kufumbwa oyo uyo swiilila kuli Nguwe. Uci libambilide ku cicita, ikuti na twali batamika tobeni.

⁷⁷ Pele tuzuzila mukati, katu nyemede, akuti, “Kwaamba, mweembeli, sa inga Nda sangana mbungano eyi?”

“Ino uzwa ku mbungano nzi?”

“*Eeyi a eeyi.*”

“Ee, kotupa lugwalo lwako.” Oh, ma!

“Sa inga Nda sangana mbungano eyi?”

⁷⁸ “Oh, iyyi. Boola, elyo tuyo kunsansaila aniini, ameenda, aku bikka zina lyako aa bbuku. Elyo uyo zumizigwa kuluswaanano.”

⁷⁹ Ee, Masonic Lodge ijisi bweende buli kabotu kwiinda boobo. Bwalo mbwini. I Masonic Lodge amalodge ambi onse ali kabotu, pele nokuba taili ng’anda ya Leza. Nko kuli oko Leza nkwa kanana. Ayo masangabalilo asoleka ku mubamba kuli lemeka, pele Leza umubamba ku lulama kwinda muli Jesu Kristo, Mwana Wakwe. Lino, kuli ceelelo cakulilemeka kuli mbubo; Leza ujisi Kuzyalwa kupya kwako.

⁸⁰ Pele swiilila ku Jwi Lyakwe liniini lyabuumuzi. Onse wanu nobantu abo balyaamba kuba Banakristo, amuumune kumbele Lyakwe. Muta lekele kuti kuwacca ku musinkile. Muta lekele mulimo kusinkila. Muta lekele cintu kusinkila. Muta lekele muntu ulionse ku ziba eco nco cita. Koya buyo kunembo Lyakwe. Konyamuka kuya musokwe ku busenakumwi. Koya kumbali Iya mugwagwa. Koya mukaanda aku jala citendele. Cindi bana bainka ku cikolo, awo kofugama ku mazwi ako. Wa ka mvwa misyobo yonse ya majwi kumasena konse, pele kkala buyo ansi akukkala awo mane ayo majwi aumuzigwe nkabela ulatalika kusupuka mujulu. Liyo ku cinca. Liyo kubamba waandeene, mbuli mbo Lya kacita yooyu Samuele muniini.

Liyo cita cintucimwi kuli nduwe ikuti na waci cita. Lino, Liyo kubamba ceeco nco elede kuba. Liyo kubamba Munakristo oyo ngo elede kuba.

⁸¹ Lino atu jokele musule kuzwa mu buzuba obu kwasunu, kusikila mu buzuba obo bwa kainda. Atu jokele mu mazuba aa ziindi zya kaindi. Elyo Jwi eli lya Leza lyaka sika ku bantu mu bweende bonse bwa buumi, mu makkalo onse. Tacikwe makani ikuti na uli mulimi, ikuti na uli siku suma mabbusu, kufumbwa eco mbo bede, Leza uci kanana. Ikuti na uli sizibi, ikuti na uli mwaamu, muhuule, ikuti na uli mukolwi, ikuti na uli (inzi?) membala buyo wa mbungano, utazizilwe—utazizilwe loko, kufumbwa eco mbo konzya kuba, Jwi lya Leza lici lindila ku kanana kuli nduwe.

⁸² Ndila yeeya lino zya Musa, cindi naka jisi kale myaka ili makumi ali lusele yaku komena, alimwi kajisi myaka ili makumi ali lusele ya lwiiyo lwa bukombi. Alimwi wakalizi Magwalo; wakalaazi kabotu. Alimwi waka jisi cisyomezyo kuli nguwe, cakuti wakali kuyoba sikuvuna wa bantu bakwe. Pele, nekubaboobo, kuziba buyo Magwalo akuba ii—membala buyo wa mbungano mu buzuba obo, wa ka bweza cintu mu janza lyakwe akusoleka ku cicita. Wa kajaya muna Egepita. Sa mwabona eco nco cita kakutakwe kuswiilila kuli Leza? Uci nyonganya buyo.

⁸³ Elyo cindi dyabulosi, cifumo cino, aamba kuti, “Uta bapatizigwi.” Aumbi inga waamba, “Oh, kacicite limbi.” Umwi inga waamba, “Ncibotu waba masimpe kuziba eco nco cita.” Alimwi umwi umbi wati, “Uyo sweekelwa ciindi cibotu.” Nzila biyo yaku bamba ceeco, nkuunka ku Ijwi lya Leza a ncico. Pele bantu, sunu, tabalibonyi kuyanda ku cita boobo.

⁸⁴ Elyo, Musa, wakali kuli ba marabi babotu kwiinda, pele bakali tontwede. Wa kamvwa kaano banyina nkiba kamwaambila, obo mbwa kasiswa mu matete, aboobo banyama bapati mboba takali kukonzya ku mujata. Obo, mbwakali kuya kwiimpauka mu kalonga, wakali oyo muvwanda muniini. Oko i . . .

⁸⁵ I banyama bapati baka neneede buyo. (Eci nca bana baniini.) Bakali neneede, kuzwa ku kulya bavwanda abo baniini. Baka jisi banakazi ba mpemo zinyonede, basilikani banakazi, batakajisi muvwanda, tiba kazi obo luyando lwa muvwanda mbolwa kabede. Baa, bakali kuunka buyo okuya akubweza akubajaya abo bavwanda baniini, aku bafusila mu mulonga. Abo banyama bapati baka neneede buyo, kukulya bavwanda baniini.

⁸⁶ Elyo, nekuba, Leza waka bikka aa moyo wamutumbu ku bikka muvwanda wakwe moonya mu lufu. Sa tamu boni kuti wakali mukozyanyo wa Kristo? Wa kaunka moonya mu lufu. Elyo onse umwi aumwi wa banyama abo bapati wakali kukonzya kuboola ku bbasiketi elyo liniini lyakali kuya kwiimpauka

mu mulonga. Sa mulizi kaambo ncoba taka konzya ku cicitu, nkaambonzi ncoba taka konzya kulya muvwanda ulya muniini? Kwa kali Angelo waka kkede awo. “Amuzwe awa.”

⁸⁷ Nkaambonzi? Leza ulapa mulimo ku Baangelo Bakwe waku langilila bantu Bakwe. Uta yoowi, oyandwa. Leza ula kulangilila. I dyabulosi inga wasoleka ku cita cintucimwi kuli nduwe, pele Leza mupati kwiinda. Mwabona?

Aboobo, banyama bali mbuli ntale beelede kutija kuzwa mu bbasiketi elyo liniini.

⁸⁸ Elyo, nekuba, Musa waka lizi zintu ezi zyonse. Elyo, nekuba, nikwamana myaka ili makumi one akwiya, elyo mpawo mu nkanda, wa kacili kusola kuzumanana acintu, mu manza akwe.

⁸⁹ Tu lizi Bbaibbele, eco Leza ncaamba ku cita, elyo nkabela tu laamba, “Ee, lino, tuyo bamba Leeli kuba nzila *eyi*. Lyalo, buyo, mazuba aa maleele taaciko limbi. Tu lizi tatusyomi kuti tucaabona limbi, alimwi tula syoma mazuba aa maleele akainda. Elyo kusansaila kuli mbuli kabotu mbuli kunyikizya. Alimwi, ‘Taata, Mwana, a Muuya Uusalala’ kuli buyo kabotu mbuli Zina Iya Mwami Jesu. Elyo aboobo tuyo. . . Bamwi babo baunka nzila eyo, aboobo tuyo cita buyo yeeyo, aswebo.”

⁹⁰ Musa wakali muntu simp. Elyo waka yeeya kuti nzila eyo mbwaaka yiisigwa, mbuli kuba muntu simp, kuti wakali kuyo bajaya buyo ba Egepita a janza lyakwe. “Koba buyo mbuli kabotu mbuli kucita eco Leza ncaka cita.” Sena kuli nimwaka sola ku ciyeeya? Bantu bonse balamupa mulandu Musa nkambo buyo ka kujaya muntu omwe. Nkabela waka jokela kunselelo kuya abunanike bwa Muuya Uusalala aku jaya cintu conse, taakwe muntu wakaamba nociba cintu kujatikizya ncico. Wa kajaya nkamu ya mpi yonse ya Farao, pele Leza wakali muli ncico. Leza takalimo mu citaanzi.

⁹¹ Elyo mpawo Musa, kazwide buyo lwiiyo lwa bukombi lwa mbungano, wakali kuyooaba farao utobela. Elyo tula mujana, kuti tamuzi Leza.

⁹² Pele cifumo cimwi, kunze Iya lukula, mudaala wa myaka ili makumi ali lusele, malezu aakwe kalengelela ansi, waka bona citeo ciyaka mulilo. Elyo waka nyona kuti abone ceeco cakali kucitika. Elyo cindi naka swena muni Iya citeo, wa kamvwa Jwi. Leza waka cita ku muumuzya kwa myaka ili makumi one, Katana akwalo kukanana kuli nguwe. Elyo ta tuumuni kwa maminiti ali kkumi, kutegwa Leza akonzye ku kanana kuli ndiswe, akoonse kweendauka akubbwalauka nkotu jisi kwa buzuba obuno.

⁹³ Elyo nekuba, Musa, nikwaamana myaka ili makumi one, kaima kuya, a mu Busyu bwa citeo eco. Alimwi elyo Jwi lyomwe elyo Iyaka mwiita, waka ziba kunji kujatikizya Leza kutandila maminiti osanwe, kumane ceeco, kwiinda yoonse myaka ili

makumi ali lusele ya kwiiya nkuya kamuyiisya. Ciyoy bamb mwaalumi umbi kuzwa kuli nguwe.

⁹⁴ Ciyoy bamba mwaalumi waandeene a mwanakazi kuzwa kuli nduwe, ikuti na uyo ima nji kwa ciindi cilamfu ku kumvwa Jwi Lyakwe, mbuli Samuele mbwaka cita. Ima nji. Uta tangali. Ikuti na uyanda cimwi ca Leza, ko Mulomba; mpawo ima nji aku swiilila, bona eco Ncayo wamba kujatikizya ncico. Kojula buyo moyo wako, kwaamba, “Mbo buti kujatikizya ncico, Mwami Jesu?” Kokkala buyo awo. Ikuti na Tainguli ma oora mataanzi osanwe, nkokuti lindila aambi. Ikuti na Tainguli sunu, mpawo Uyo ingula juunza. Ikuti na Tainguli mvwiki eyi, Uyo cita mvwiki itobela. Kokkala awo mane Aingule.

⁹⁵ Komvwa Jwi Lyakwe kuvuwa, mu moyo wako, lyaamba, “Iyi, Ndime Mwami oyo uku ponya.” Mpawo camana conse. Ula konzya kukkalikila mpawo. Mwabona? “Ndime Mwami Oyo ujatila zibi zyanu zyonse. Lino koya utakabisiy limbi. Nse kupi mulandu.” Nkokuti ulakonzya kuunka cakwaanguluka. Uli kabotu. Pele uyanda kuba masimpe kuti wakamvwa Jwi kali kanana. Musa waka Limvwa. Wakali muntu uucincide.

⁹⁶ Amu lange Isaya, musinsimi. Mbuli mwaalumi muniini, wakalimvwa kubambwa. I Mwaami Uziya wakali aacoolwe, mu mazuba ayo, mwaalumi mululami, mwaalumi mubotu. Wa kali ku muyanda Isaya, nkambo waka lizi kuti wakali musinsimi. Elyo aboobo waka yaamina buyo aa kuboko kwa mwaami. Zintuzyonse nzyakali kuyanda, baa, Uziya wakali ku zipa kuli nguwe. Alimwi ciindi conse ncakali kuyanda kufumbwa cintu, baa, mwami mubotu wakali ku cipa kuli nguwe. Pele ca kasika ciindi eco mwaami nakafwa.

⁹⁷ Kuzwidilila lyonse kunyonganya bantu. Eco ncintu ciyumu ku caamba. Pele kuzwidilila kugusya muntu kuzwa kuli Leza. Leza wakaamba busena bomwe, mu Bbaibbele, cintucimwi a kazila aka, elyo Wa kati, “Cindi Ne ka kuleleka, aku kupa kunji. Cindi nokali mucete akutaba acintu, Nda kaboola kuli nduwe, nkabela waka Ndi mvwa aku Ndi belekela. Pele cindi Neka kuleleka aku kupa kunji kwiindilila, mpawo waka nyona mutwe wako kuzwa kuli Ndime.” Nce ncico eco America cacita, banyona mitwe yabo.

⁹⁸ Nce ncico mabungano nca cita. Mula konzya kukkala anze mu makkona, akuba aa mayake mapati mabotu, a mamilioni aa madola mu. . . kubikkwa muli mbubo, a zintuzyonse mu buteteete mbuli mbozikonzya. Tacigambyi tamu jisi ciindi ca kumvwa kuzwa ku Jwi lya Leza. Pele amu lindile oora lisike cindi ezyo noziyo gusigwa, mpawo uyo sukamina ku Li mvwa. Zintuzyonse zili kabotu lino, pele oora lilasika nozitakabi mu nzila eyo.

⁹⁹ Aboobo, Isaya, wakali kuyaamina a kuboko kwa mwaami. Elyo wa kali mwaalumi muniini wacoolwe, amuuya mubotu

mu mwaalumi oyu muniini, aboobo mwaami waka muyanda. Nkabela bumwi buzuba, ezi zya kugwasigwa zyakamana kuli nguwe. I mwaami wa kafwa. Elyo cindi mwaami nakafwa, mpawo Isaya wakeenda alikke. Elyo mpawo waka talika kulangalanga, akujana kuti bantu bonse tibakali mbuli mwaami.

¹⁰⁰ Muyoy tandwa, bumwi bwa mazuba aya, kuzwa kuli yaaya aatubungwe tusangene mbuli yeeyi. Ciyo sika ciindi nomuyo yandika ku zulilwa ku kabunga, na pe tamuno kombi. Mbuli mbo muzi, Lugwalo lwaamba kuti ciyo citika. Bamu sobanya buyo lino. Pele kuyo sika ciindi nokuyoba kukaka, nkambo caando ca munyama ceedele kuboola. Ambweni muyo zulilwa ku nsangano ya mabungano, munyama mbuli mbo kubede mu Rome, na pe tamu kakombi nokuceya. Nce ncico Lugwalo nco lwaamba. Nce cindi nomuyo yandika kulila mbuli Isaya mbwaka cita.

¹⁰¹ Elyo wa kaselemukila mutempele, nkabela waka ziba mpawo. Wa tambika maanza akwe akuti, “O Mwami, Ndili muntu wa milomo iitasalali.” Uyeeya kuti uli kabotu, pele lindila mane ciindi eco ciboole. “Ndi kkala akati ka bantu ba milomo iitasalali.” Ncinzi caka mucitya? Waka njila muku pengaana.

¹⁰² Elyo cindi wapengaana kujatikizya cintu eci, cintucimwi ciyocitika. Tamuna pengaana maningi. “Oh, ee, Nda kasangana mbungano. Eco ncoci cibamba.” Pele weedele kupengaana kujatikizya ncico. Weedele ncobeni kuyandaula Leza.

¹⁰³ Jesu wakati, “Bali acoolwe abo bafwa nzala anyota yabululami, nkambo bayo kkutisigwa.”

¹⁰⁴ Pele kufumbwa buyo kuti uli kkuutilide a zintu zya mu nyika, mbo buti Leza mbwa konzya ku kanana kuli nduwe? Nywebo mwati, “Leza tana kananide kuli ndime.” Nkaambonzi? Ula yanda. Pele ukutide loko a zintu zya munyika. Eelyo nde penzi kuli ndiswe sunu. Tubikka ciindi cesu conse aa zintu zya munyika, amisaalo ya inyika, aku tapa ciindi kuli Leza. Obo mbwini.

¹⁰⁵ Lino, tu jana kuti Isaya wa kapengaana. Elyo waka kwiila, akulyaambilila zibi zyakwe, azibi zya bantu. Cindi nakamana kulyaambilila, wakamvwa coongo mujulu atala lyakwe. Elyo cindi nakalanga mujulu, kwakali Bakerobimu, kabauluka musule akumbele lya buyake. Mababa ku masyu Aabo, amababa ku matende Aabo, a kuuluka amababa, kabalila, “Ulasalala, ulasalala, ulasalala, Mwami Leza Singuzuzyonse.”

¹⁰⁶ Cintucimwi cakali ku citika. Isaya wa kapengaana. Leza waka boola aa mulimo. Elyo Isaya waka kwiila, “Ndi jisi milomo iitasalali,” nkambo Jwi lyakazwide buyo akukanana. Lyaka mucinca.

¹⁰⁷ “Nguni uta Twi inkile?” lyakaamba Jwi. “Nguni utiinke? Nguni ulibambilide kwiima mu cizabukilo, akati ka cikama eci

ca basilwiiyo lwa bukombi? Nguni utiinke mu buzuba buno, aku taminina kuti Ndi cili Leza? [Mukwesu Branham wakonkomona aacikambaukilo ziindi zyobilo—Mul.] Nguni utiinke akupa mulandu kutasalala kwabo? Nguni utika mwayaule tubungwe twabo akuyaka inguzu zya Leza muumi alubo? Nguni utiinke?”

¹⁰⁸ Isaya wakati, “Mwami, Nke tana unka, Nde elede kubambululwa.” Kumwi kuyoowa oku kuniini akunyema kwakeelede ku musiya.

¹⁰⁹ Mbo kuyoba ku muntu cigaminina oyo Leza ngwaita! Weedele kuzyalululwa lubo, kucincwa akubambwa mupya. Kutali kweezezya; pele kuzwa ku moyo wako, cintucimwi eco ncobeni cicitika. Elyo umwi wa Baangelo . . . “Ikuti na walomba, uyo tambula.”

¹¹⁰ Umwi wa Bangelo wakaunka ku cipaililo cakali ca mukuba, akubweza makala akusika kuya akubweza sizi lya Mulilo upona, aku zuzila kuli Isaya aku libikka mu mulomo wakwe. Kati, “Lino ulasalala. Koya, kanana Ijwi.” Isaya waka cincwa nakamana kumvwa Jwi elyo.

¹¹¹ Mpawo mu mazuba aakwe amamanino, waka lemba Bbaibbele limaninide. Wa katalikila ku Matalikilo aku manina mu Ziyubunuzyo. I Mabbuku ali makumi ali cisambomwe acisambomwe aa Bbaibbele; kuli macapita ali makumi ali cisambomwe aa Isaya. Nkaambonzi? Nkaambo wa kapengaana, mu ciindi omo naka Ci bona kuyandikana kapati.

¹¹² Daniele, kumusanza mu Babuloni, mbuli mbo twa kakanana zya nguwe busiku bwainda. Wa ka kanza mu moyo wakwe kuti taakwe nakaliyo lisofwaazya lwakwe njiisyo zya Babuloni. Pele buzuba bumwi, kumusanza okuya, Daniele wakaba mu kubula. Alimwi wa kalizi kuti wakali kuyanda kumvwa Jwi lya Leza, nekubakuti wakali jisi Magwalo. Pele wa kali kuyandikana kumvwa Jwi lya Leza. Lino wakaunka kunselelo ku mulonga uli *boobu*. Elyo ta kaunka biyo kunselelo okuya akuyo simpika nkalaki yakwe aku fugama mu matete, a kwaamba, “Mwami Leza, Ndi yanda ku Kumvwa. Mpali Mpo bede?” Peepe. To cicitu nzila eyo. Isaya wakabweza nkalaki yakwe, a basikweenzya, nkabela wakaunka kunselelo lya mulonga aku bapilusya. Wa kali kuyo kkala kusikila kamvwa. Eyo nje nzila. Wa kapengaana kujatikizya ncico.

¹¹³ Wa ka cita kutantamuka kulaale kuli basilumamba boonse, a boonse basikulanga langa zyamu milengalenga, a bantu basongo, bonse bamayi ba lwiiyo lwa bukombi, abamwi bambi, abo bakali kusoleka kumwaambila kuti, “Eci! Ko cita *eci*, Daniele. Ko cita *eci*, Daniele.” Pele wa kazwa kuli coonse caco. Eyo nje nzila njo mweelede ku cita. Elyo wakaselemukila ku mulonga, alimwi wa kakkala kuya kwa mazuba ali makumi obilo abumwi, kasinana a Angelo wa Mwami.

114 Pele twa ambilwa kuti wakalanga atala a meenda. Mpaawo wa kabona Angelo kaimvwi, a cituta Cakwe a inyika alimwi a lwizi. Elyo wakatambika maanza Akwe a kukonkezya kuli Oyo upona kwalyonse a lyonse, “Cindi zintu ezyo Daniele nzya kabona nizya kacitika, ciindi ta ceelede kuba limbi.” Wa ka celezegwa kwa mazuba ali makumi obilo abumwi nkaambo ka bubu bwa nyika.

115 Elyo ikuti na Wa ka celezegwa kwa mazuba ali makumi obilo abumwi nkaambo ka bubu bwa nyika eyo, mu mazuba akwa Pesia, ino Uyo oba nzi mu buzuba obu? Nciindi cilamfu buti Ncayo nga wacelezegwa? Pele olo lusyomo lutafwi, eyo nzala a kuyandisya mu moyo wa muntunsi, oko kuta kaambi kuti peepe kuli Leza, pele bayo jatilila mane Leza akanane kuzwa ku Julu. To konzyi kusobanya Aya, a Makanimabotu Aya. Tali akusobanya. A yeelede kuuma kasaalo, ziindi zili kkumi kuzwa ku kkumi. A yeelede kulondoka, nape taali kabotu alimwi taakobeleka. A yeledede kulondoka. Daniele wakakomba.

116 Tula jana mu Bbaibbele, mu kutandila cipati ca 8, cipati ca 7 na 8 ca Bbuku Iya Ncito, kuti, mu Fariai, muubauba sikulivubya mwini wa zina Iya Saulo. Oh, wakali silwiiyo Iwa bukombi, yaa. Wa ka kkala kungsi Iya kuyiisigwa kwa Gamalieli alimwi wa kali jisi Magwalo onse, kabotu loko mu nzila mbo ceelede kuba, kweendelana kuli basilwiiyo Iwa bukombi ba buzuba obo, oh, basikulibanda buyo a basikulivubya beni. Alimwi wa kabona bantu abo bakali kucita cintucimwi eco cakali cakumuuya, nkabela Iwiiyo Iwakwe Iwa bukombi tilwa keendelana a Ngawo.

117 Ino nkucitika kukozyenye kuli kwa sunu! Usyomeka a usinizize mu moyo wakwe, mbuli bantu banji mboba bede, bayeeya kuti bantu abo bakazyalululwa balinyongene. Bayeeya kuti kuponesegwa kwa Buleza a nguzu zya Muuya Uusalala ncintucimwi eco nco *baambaula* biyo, pele mbwini.

118 Aboobo cindi nakali mu lweendo Iwakwe kuya ku Damasiko, buzuba bumwi, a malailile amwi mu nkomo yakwe, kuzwa kuli i—kuzwa kuli bbishopo wa mbungano, kuunka kunselelo akuyo nyonyoona cikama eco ca babumbulusi basalala abo bakali ku kwiila a koongolola, a—a kusotauka mujulu ansi, kukanana mu myaambo itamvwiki, a—a kuponya baciswa. “Elyo, baa, ncikama ca madaimona,” bakaamba basilwiiyo Iwa bukombi. “Koya kunselelo aka baange, aku baleta okuno mu nketani!”

119 “Masimpe. Ku mulimo wako, bbishopo!” Oh, ma! Oh, wa kali muntu mulemu. Wa kajisi D.D., Ph. D., nywebo mulizi. Aboobo waka sotokela aa mbizi yakwe, elyo ngooyo wakaunka, aba sikumusindikila.

120 Pele mu lweendo Iwakwe, kutandila sikati eni, Cintucimwi caka muusya ansi. Elyo waka bumbuluka mu lusuko, mbuli muntu usondokede, kazwa ccovu. Elyo wa kamvwa Jwi ka Iyaamba kuti, “Saulo, Saulo, nkaambonzi nco Ndi penezeya?”

Ino cakali cinzi? Kutali umwi silwii-. . . silw-. . . silwiiyo lwa bukombi kakanana kuli nguwe. Pele Jwi kuzwa ku Julu, “Nkaambonzi nco Ndi penzezya?”

¹²¹ Elyo waka pindamuka mu lusuko, a kusyulungana kwaakwe koonse kakuzwide lusuko, a misozi kaimbulumuka mu masaya akwe, ambweni. Wa kati, “Mwami, ino Nduwe Ni?” Elyo cindi naka byatula meso aakwe, wa kaba moofu mbuli kapaamfwa.

¹²² Mpaawo kwa kaimvwi Musumpululu mupati wa Mulilo kunembo lyakwe. Elyo Jwi kalizwa muli Nguwo, lya kati, “Ndime Jesu, Oyo ngo penzya. Kuyiisya kwako kwa kabambwa amuntu kwali lubide.” Ino cakali cinzi? Kwa kali cilengaano caka jukide. I Ijwi lya Leza lyaka bambwa kasimpe.

¹²³ Oh, bakwesu, eco nco tu yandikana sunu, nkumwi kunji mbuli oko.

¹²⁴ Ndi yanda buyo ku lumba Mwami. Aba basimbi baniini, mu mawilucheya busiku bwainda, kababoola, kabeenda sunu, alimwi kakutakwe mawhiluccheya, aboobo bayakuya. Uh-huh. I Mwami amu longezye, basimbi, nomukkede awo. [Mbunga yatangala—Mul.] Ncinzi caka cicita? I nguwenya Jesu oyo waka kanana mu Jwi liindakugambya, uci kanana asunu.

¹²⁵ “Saulo, Saulo, nkaambonzi nco Ndi penzezya?” Saulo wakali muntu wakacinca.

¹²⁶ Elyo bantu beelede kucincwa sunu cindi bakonzya kubona a kumvwa Jwi lya Leza muumi kali kanana mbuli Mbwa kacita cindi Na kanjila mu Galilaya. Oh, masimpe!

¹²⁷ “Saulo, Saulo, nkaambonzi nco Ndi penzezya?” Ncinzi caka cicita? Sena Wa kamutola ku seminari kuyo muyiisya lwiiyo lwa bukombi lupyaa? Peepe, Ta kacita. Ino Wa kacita nzi? Wa ka kanana kuli nguwe, elyo kwakali Jwi lini mu kali kanana kwiinda mu Kkumbi. Ino cakali cinzi? I Leza nguwenya oyo waka zuzuma a Cilundu ca Sinai.

¹²⁸ Mu miswaangano, mu masena omo Muuya Uusalala mouboola, mula mwva jwi lya muntu kali cincwa. Elyo kutaziba nokuceya, ma ABC, pele Kristo ulakonzya kubweza jwi elyo aku kanana maseseke aa Leza Singuzuzyonse. Lyelede kucinca mwaalumi a mwanakazi onse oyo ukkala mu Busyu Bwakwe. . . ? . . . “Nda kamvwa Jwi,” wa kaamba. Oh, tula fukula maningi. Nse cilangili, kuti ciyooba elela kubambwa antangalala loko kwindi boobo. Pele tula fukula maningi mu mabungano esu, mu lwiiyo lwesu lwa bukombi, mu kuyeeya kwesu, amu nzila zyesu zya buumi, kusikila tula kakilwa kumvwa Jwi elyo cindi Lya kanana.

¹²⁹ “Oh,” balaamba, “inga kwaba kukwabana kwa miyeeyo. Inga kwaba, nywebo mulizi, inga kwaba *obu, obo, na bumbi.*”

¹³⁰ Ino kuti Musa nakati, “Kwaamba, kalibuzya ikuti na eelyo lya kali daimona mu citeo eco?” Huh! Taakwe mubuzyo kuli Musa, wa kamvwa Jwi.

¹³¹ Ikuti na wati, “Oh, inga aba buyo manjezeezya angu andaambila ceeco.”

¹³² Ikuti na uli mwana wa Leza, uyo ziba kuti ndi Jwi Lyakwe. “Mbelele Zyangu zilamvwa Jwi Lyangu. Mbelele Zyangu zilamvwa Jwi Lyangu.” Ziyoziba.

¹³³ Kwa kali umbi, wa zina lya Petro, oyo waka futulwa, alimwi akwalo waka zuzigwa a Muuya. Elyo waka cili kuyanda kujatilila ku tunsiyansiya twa basikale. Konse nkwa kali kuno ziba, kwali kunoba momuno mu Ijwi. Elyo buzuba bumwi, atala lya ciluli ca ng’anda, cindi nakali kuyanda kubamba tunsiyansiya twa kuti, “Utalyi nyama...kulya kufumbwa nyama, a masabata, azimwi zimbi.” Kuli bantu banji babotu bacijatilila aa zintu mbuli ezyo.

¹³⁴ Elyo buzuba bumwi nakali mujulu aa ciluli ca ng’anda, wa kamvwa Jwi elyo lyakati, “Uta iti eco Nce kabamba kusalala, ‘citasalali.’”

¹³⁵ Leza, Nda lombozya Na kabweza cikama ca bakambausi mu kkuti eli okuno, akubalekela kuziba kuti tatu nyongene, ta tuli babumbulusi basalala, cikama ca masifwilila. Walo Muuya wa Leza muumi. Elyo baalumi a banakazi bakolwa bubotu Bwakwe. Tabuli bulozi na kukwabana kwamiyeeyo. Walo Muuya wa Leza muumi. Amwaangunune tunsiyansiya twanu, basikale, a kuswiilila ku Jwi lya Leza muumi. Liyo kucinca. Tokabi umwi wa basikupenzya. Muyo yanda kuba umwi wabo. Ikuti na ula konzya kwiindilila zisinkila zya njisyo zyanu, mane mukaibuke mu Busyu Bwakwe kutala, cintucimwi ciyo citika. To kasyomi kuti mazuba a maleele akainda. Uyo syoma kuti ali mpoonya awa, nkaambo lyomwe liyo citwa aali nduwe, masimpe, ku cinca muntu. Nce ncico Jwi lya Leza ncoli cita lyeonse. Li cinca baalumi a banakazi aku babamba mbo beelede kuba; kutali ceeco zikolo a bamayi ncoba kabamba, pele eco Leza ncaka babambila.

I Jwi, kalikanana! “Nda kamvwa Jwi.”

¹³⁶ Oh, obo mbwenga Nda yanda kuunka mu luzibo lwa bugame. Aboobo mbonga wayanda kuunka ku bumboni bwabugame, bunji bwanu nobaalumi a banakazi abo bakamvwa Jwi Lyakwe.

¹³⁷ Elyo Nda konzya kuyeeya ku Li mvwa cindi Ne kali buyo mulombe muniini, kuselelo kulaale mu malundu aa Kentuncky. Elyo Nda kayeeya kuti Wa kali muyuni wakakkede mu cisamu, pele muyuni wakauluka kuzwa. Wa kati, “Uta yoowi, nkambo uyozya okuno buzuba bumwi, a kuyo kkala muni lya dolopo litegwa New Albany.” Nda kamvwa Jwi Lyakwe cindi Na kati, “Ta kafwebi, na kunywa, na kusofwaazy a mubili wako a

banakazi azimwi zimbi. Kuli mulimo wako wakuyo cita cindi waakukomena.”

¹³⁸ Oh, Ucili Mwami Leza nguwenya. Alimwi mula Mu mvwa, oora a oora, kukanana kuli ndinywe mu kampetu kaniini, mu kaanda kako kakukombela. Kuzwa kuya kumbele lya bbunga, mpawo kukanana cakulibonya ku bantu. I Jwi lya Leza, Lya kali liyandisi mu mazuba aa Samuele. Ndi yandisi loko sunu. Nkambo, kwa kanyina cilengaano caka jukide.

¹³⁹ Petro wakalimvwa Jwi, elyo Lya kacinca zyoonse zya lwiiyo lwakwe lwa bukombi. Wa kaunka nkoonya kugama kuli Bamasi, abo mbakali kuyeyya kuba cikama cabatande abatayiide. Pele, Jwi lya Leza, kutali njiisyo yakwe, Jwi lya Leza muumi lyaka mucinca.

¹⁴⁰ Elyo lino omwe buyo umbi. Kwa kali muntu mubotu, ciindi cimwi, mu Bbaibbele. Ii muntu wak zibilene kapati a Jesu, oyo wakali ku Mu yanda, aku syoma muli Nguwe, a ku Mu komba, a kusobana a Nguwe, a kwiinka mu zilundu a Nguwe, a kumselelo ku mulonga, kuzela nswi a Nguwe. Wa kali muntu uli kabotu. Buzuba bumwi, kuciindi Jesu natakaliko, lufu lwakasika kubba mu kaanda kakwe.

¹⁴¹ Elyo wa kasiide mbungano yakale ya othodokisi, walo a bacizi bakwe babotu, Marta a Mariya. Elyo bakazwa nkaambo kakuti bakali ku Mu yanda, aku Mu syoma kuba Mesiya. Elyo mu kucita boobo, cakufwambaana mbungano yakali batandide.

¹⁴² Elyo oyu muntu muniini waka ciswa loko mane wa kafwa, alimwi wakali zikkidwe, mazuba one. Ino mbubotu nzi lwiiyo lwa bukombi ncolwa kali kuno bacitila? Mbubotu nzi ku mbungano yakwe coya kalino cita mpawo? Pele kwa kali Jwi lya Leza, ansi, elyo Wa ka kanana kuli Lazaro. Elyo Lazaro, mwaalumi wakafwide a kubola mu cuumbwe, wakamvwa Jwi Lyakwe, wakazwa a kupona lubo.

¹⁴³ Nda kalifwide ciindi cimwi, mu cibi a munsotoko. Mwa kali fwide mu cibi a munsotoko. Pele lya kali Jwi lya Leza elyo lya kati, “Amu boole kuli Ndime, nywebo nyoonse nomulemedwe mikuli, Njo mupa kulyookezya.”

¹⁴⁴ Nda kabona Jwi kali kanana kuli usunkuta, ku moolola. Nda kabona Jwi lya Leza kukanana ku moofu, elyo meso akwe akajuka. Kuli bali mukufwa, bakali akkulenge cabubyaabi, kuli sicinsenda, kababona kujokela mu mubili, mu nseba ilondokede alubo. Nda ka Mu bona kakanana ku bakolwi, a kubanyongene ku mizeezo, abatande, cikama ca ba skidroo, nkabela baka balindu a balombwana, a basalali ba Leza muumi, nkaambo Jwi lya Leza lyaka kanana. Nke kaambo ncotu swiilila, sunu.

¹⁴⁵ Andi jale ku kwaamba ceeci. Ciyo sika ciindi, eco cindi buntu bwako bwiingaila nobuyo gusigwa kuzwa ku mubili wako, elyo buli mubusena bwabo kumwi, kwiingaila kutala mu mudima,

na kwayanda mu camba ca Leza. Eelyo Jwi liyo kanana alubo. Alimwi Bbaibbele lya, kuti, “Boonse abo bali mu cuumbwe bayo mvwa Jwi Lyakwe, nkabela bayoozwa. Bamwi bayoza ku mause atamani a kwabuyo. Elyo bamwi bayozwa ku luumuno luteeli a lutangalo.”

¹⁴⁶ Cifumo eci inga caba ciindi eco caku bamba muzeezo wako, na uyo swiilila kuli ceeco televizhioni nco yaamba, na eco mutende nco waamba, na eco basilwiiyo lwa bukombi nco baamba, na eco Leza ncaamba. Andi mwaambile, mbuli bantu. Muta swiilili kuli ceeco cintu cili conse nco caamba, pele eco Leza ncaamba. Amulindile aa Jwi eelyo, lya buutontozi liniini, nkabela Uyo ku cinca.

¹⁴⁷ Yebo wati, “Nda yanda kusyoma, Mukwesu Branham. Nda lombozya Ne konzya kusyoma. Nda lombozya Ne konzya kucita zintu zimwi.” Pele tokonzyi. Nkaambonzi? To toli ciindi loko. To siki mu busena awo i—i kudonaika koonse mpo kumana.

¹⁴⁸ Cindi wanjila mu busena awo kudonaika koonse mpo kuloba, mpawo uyo anguluka, nkabela ula konzya kumvwa Jwi lya Leza kali kanana. “Mwana Wangu, Ndili Mufutuli wako. Mwana Wangu, Ndili musilisi wako. To elede ku cita zintu ezi. Nda kafwa kutegwa waanguluke. Pele kufumbwa kuti koli ansi awa mu kunzwiima, kusangene a misyobo yoonse ya majwi, kozunguluka buyo kuzwa kuli zyoonse zyazyo.”

¹⁴⁹ Cila ndiyezya ciindi Ne kali kutala mu malundu lomwe. Alimwi Nse kalubi kucitikila oko. Elyo kuno kutandila myaka ili kkumi yainda, na kaindi loko, Nda kali kugwasya Ba. Jefferies mu kuyobolola zivubwa, elyo cindi nibakali kubikka munyo aa mbizi. Alimwi Nda kali kuzitola ku zikwinyo zimwi oko Nkwe kali kuzibikka, oko ng’ombe nkozya kazi kuboola. Kaindi maningi, mamaile ali makumi ali ciloba, kutandila, kuzwa ku lusumpuko. Na, Nda amba, kutandila mamaile ali makumi otatwe, makumi otatwe aosanwe, ambweni mamaile ali makumi one, kusika ku Kremmling, Colorado, kusika kooko nko njila mu dolopo lya mweelwe wa bantu utandila ku myanda ili ciloba na lusele. Elyo Nda kajisi mbizi yangu, alimwi Nda gusizye masadobbbagi, kwaselusya. Elyo tu langa i. . . kuvwima ng’ombe ku bbainokyulasi. Elyo Nda kahaka mbizi yangu ku mutabi, amatrela akali kusule kwayo, uli ngu, i mbizi. . . i mbizi ila mulangu ili kumbele. Elyo Nda kaunka atala aa zilundu. Elyo wakali mubotu loko. Cakali ciindi cabutololo. Elyo Nda kali kulanga ku makkuti, kulangilila mayuwe maniini a meenda, oko kulekule. Elyo mbuli Mbwe kali kulangilila, kwakali akati ka sikati, elyo Nda kabona cintucimwi eco caka ndikopa.

¹⁵⁰ Nda kabona mutumbu mucembele kagusya bavwanda bakwe kuzwa ku citeente cakwe, muyuni sikwaze ucembeede. Elyo waka vupaula munsu lyabo kusikila bonse baka kkala a mababa aakwe. Alimwi bakali zwide kale mu citeente.

Pele waa kabatola mu kkuti. Tiiba kalina unkide okuya. Ba kali kwiiya buyo kuuluka. Aboobo, waa kabalekela kuunka kuzwa. Elyo ba kaunka kabotu, kubwezelela bwizu, a kuwa kuta konzy kuligwasya ali umwi aumwi, mbuli buyo kuta libilika mbo bakali kukonzya kuba. Elyo kuciindi nkenkede okuya, Nda kayeeya, “Lino, sa eco taili buyo mbuli nkamu ya Banakristo, beni basyoma! Taba libiliki.” Nkaambonzi ncota libiliki? Tiiba keelede kuyoowa cili coonse, nkaambo banyina bali kubalindila bakali jokede kutala a kukkala ansi aa mwaala, ku kubalangilila. Oh! Eco cicinca buyo boobo.

¹⁵¹ Cindi wasika kuyeeya, “Ncinzi Mweembeli *Niini-a-niini* ncayo yeeya ikuti na Nda tambula Muuya Uusalala? Ncinzi Bishopo *Niini-a-niini* ncayo wamba?” Nse kwe ndaba eco nco baamba.

¹⁵² Jesu wakafwa, alimwi Wa katanta malambo malamfu aa Bulemu, nkabela Uli kkedde ku majulu aa majulu. Taakwe cintu ciyo kupenzya. Liso lyakwe lili aa kayuni, alimwi Ndi lizi Ula ndilangilila, alimwi Ula mulangilila.

¹⁵³ Mpawo cindi kwaboola, ikuti na kweelela kuboola umpe, na cintucimwi kunyonganya umwi wa baaba baniini, baa, waa. . . Ncibotu niba kacita. Inga kabweza umpe mu janza lyakwe, mu maala aakwe, ku mutola mujulu kutandila tukokola tuli zyuulu zinji akuyo mulekezya buyo. Inga na kazapauka mu luwo. Taakwe cintu ciyo bapenzya bana baniini. Uyo kulanganya.

¹⁵⁴ Taakwe cintu ciyo kupenzya. Uta yoowi kubweza Leza ku Ijwi Lyakwe. Koliiba buyo, akuba a lusyomo, aku syoma. Ula kulangilila. Uyo zapauka kufumbwa cintu eco cisola ku kupenzya. Oh, inga caku lwana, pele taci konzyi ku kucisa. “Nkambo zintu zyoonse,” Ula cizumizya. Inga tii caba cimbi, “Nkambo cila beleka antoomwe ku bubotu, kuli baabo bayanda Mwami.” Taakwe ubi bukonzya kuboola kuli nduwe.

¹⁵⁵ Elyo aboobo, kwiinde kaindi, kwa kaboola guwo lyamvula. Elyo cindi guwo lyamvula nilya katalika, liboola cakufwambaana, ayo masena aku nyiika, kulaba kuniini kwa ndabo a muuwo oyo kauboola, mamaile ali makumi ali cisambomwe na makumi ali ciloba mu oora. Nkabela oyo nyina sikwaze wakaindi ulakwiila kapati, elyo ngooyo wakunka kuselemukila mu kkuti. Nkabela oko kukwiila, ino kwa kacita nzi? Abo basikwaze baniini bakalizi jwi lya banyina.

“Mbelele Zyangu zilizi Jwi Lyangu,” Wa kaamba.

¹⁵⁶ Ntenda yakali afwaafwi. Lino, tiiba kasola kunjila kungsi lya makwa. Tiiba kasola kuzuzila mu musyobo cilwi ca masifwilila. Baka lindila buyo ali banyina.

¹⁵⁷ Nce ncico Munakristo ncaelede ku cita; kubona eco Leza ncayo cita kujatikizya ncico.

158 Elyo cindi i—i nyina wakaindi auma ansi, ayo matende mapati atandila mbuli *boobo*, ula ulukila ansi mbuli ndeke mpati ikkala ansi. Elyo waa kalungumika mutwe wakwe mu luwo a kukwiila, alimwi waa katandabika mababa akwe mapati, aatandila tukokola tuli kkumi atone, kuzwa kumpela a kumpela, mu bukwasule mbuli poolo *eli* kusika kuli *leelyo*. Boonse abo basikwaze baniini baka zuza canguzu mbuli mboba kali kukonzya, a kusotokela mpoonya a mababa abanyina. Ba kasika mpoonya ansi a kujatilila amaala abo maniini, kacita milomo yabo miniini, aku jata maningi limwi lya mapepe aajisi loko limwi omuya. Banyina bakabatola buyo, kakutakwe ku nzwiima kwa mababa ayo, aku kanyaka kuya mujulu mu luwo olo. Nkoonya kugama ku myaala waa kaunka, kuyo basisa kuzwa ku guwo lyamvula eelyo lyakali kuboala.

159 Oh, mukwesu, guwo lyamvula lili muni loko. Komvwa Jwi Lyakwe. Li la kwiita, “Kozwa mu Babuloni. Ko pambuka. Utabi sicaabilo cakwe, ca zibi zyabo. Njo kutambula. Mu yooba bana balombe abasimbi kuli Ndime. Ndi yooba Leza kuli ndinywe.”

Atu kotamike mitwe yesu asyoonto buyo, mu kujala.

160 [Muntu umwi wapa cisinsime—Mul.] Ameni. Mwacimvwa eco. Nce ncico twiita kuti cisinsime mu mbungano.

161 Sa inga kwaba bamwi omuno cifumo cino, eco Nce zyi kuti nkobali, abo banga baamba, “Mwami Leza, koba siluse kuli ndime. Nekubakuti Nda kasangana mbungano, Nda kabamba kulyaambilila, pele Ta—Ta ndizi obo mbo kubede kuumuna kumbele Lyako, a kumvwa Jwi Lyako kali ndisololela a kundi yiisya. Inga Nse ziba eco caku cita ikuti na Wa kanana kuli ndime mu Jwi limvika. Inga Nda yanda ku Kuziba, kutegwa Yebo ukanane kuli ndime a kulailila nzila zyangu”? Sa inga mwatambika maanza anu lino buyo a kwaamba, “Leza koba siluse”? I Mwami amu longezye, koonse, maanza koonse. Amuzumanane buyo kwatambika. Mbo mbubo. “Mwami, koba siluse kuli ndime. Ndi Ku pengede kapati.” Sa inga kwaba ambi kakutanaba buyo kujala? Leza ula bona maanza ako kusule oko, mulindu, a nyoonse nywebo oko kulaale kusule, a baimvwi mu mindando abamwi bambi. Leza uli mubwene, nokuba akwalo ku cibumbili, atala onse awa.

Elyo Samuele wakati, “Eli, sena wa ndiita?”

Eli wakati, “Peepe, mwana wangu, Nse kwiita pe.”

162 Oyo tali ndime wakanana ku moyo wako, mweenzuma. Oyo wali Leza. Kovuwa buyo a kwaamba, “Mulanda wako ulimvwide. Alimwi konditola mu kumamelwa Kwako, sunu, Leza. Ndile keke, kuzwa buzuba obu, kuba Wako cakumaninina.”

163 Leza Utuamani, sikuyanda buntu, Mulengi wa zintu zyonse, ku cindi elyo Jwi liniini lya butontozi lya Leza nilya kakanana

kuli Samuele, eelyo lyaka kanana kuli Saulo, eelyo lyaka kanana kuli Petro, eelyo lyaka kanana kuli Daniele, a Isaya musinsimi, a boonse mucuindi coonse ca makkalo, lya kanana alubo cifumo cino mu cikombelo. Antela ndiza maanza ali, makumi otatwe, na makumi one, na ndiza ali makumi osanwe, aaba sizibi a mamembala bambungano, a bantu bajisi kunyonganisigwa, batambika maanza abo. Bunji bwabo bakaliko busiku bwainda, elyo bakamvwa Jwi Lyako kaliboola cakumvwiwa. Elyo lino, cifumo cino, eelyo Jwi ndilyonya lila kanana kutsi lya myoyo yabo. Ba tambika maanza abo, a maanza abo kutozoya Kujulu, kwaamba kuti bali lubide, nkabela bayanda kululama.

¹⁶⁴ Wa kaamba mu Ijwi Lyako, kuti, “Taakwe muntu ukonzya kuboola kuli Ndime, citakuti Taata Wangu wamukwela lutaanzi. Alimwi bonse abo bayo boola, Njo bapa Buumi Butamani. Alimwi njomu busya ku buzuba bwamamanino.”

¹⁶⁵ Wa kacisyomezya, Taata. Lino twa Kwiita, mbuli mulanda Wako, ku kupa baaba batambika maanza abo, Buumi Butamani, a lutangalo Lutamani. Alimwi akube kuti bakaponene Nduwe, mazuba onse aa buumi bwabo. Elyo kumagolelo aa mugwagwa wa lweendo lwa buumi, bakanjile mu lutangalo lwa Mwami. Ko cipa, Taata. Twa cilomba mu Zina lya Jesu akambo ka Jesu. Amenii.

¹⁶⁶ Mbangaye banu abo ba Mu yanda a moyo wanu onse, moyo wanu onse buyo? [Mbunga yaamba, “Amenii.”—Mul.] Lino, muli aya masena maniini mbuli boobu. . . Nda muka buyo. Pele Bbaibbele lyakaamba, kuti, “Tula kkala antoomwe mu myeenya Yakujulu muli Kristo Jesu.” I Muuya Uusalala ulasika, kunjila mu Ijwi, kweenda kuselemuka mu bbunga, alimwi mula konzya buyo ku Ula ngilila cindi Wa fumpa mbabo, kuba cinca.

¹⁶⁷ Mbuli Mbwe ambide, Nda syoma mu kunyanyamukwa. Masimpe. Pele, nywebo, eco. . . Mwabona, kunyanyamukwa taku kucinci pe. Kunyanyamukwa kweelede kuunka kusakana mukati kusikila kwa kuguma kulilemeka kwa buntu bwako. Nce cikucinca kuzwa ku zibyaabi. . .

¹⁶⁸ Ino sizibi ncinzi? Sikutasyoma. Kuli bantu banji sunu, bajisi ii—ii digrii lya Bachelu lya Arti, bajisi digrii lya bwiiyi, bajisi Ph. D., aobilo ma L. D. aa mazina abo, elyo bacilli basizibi. Balizi Bbaibbele kuzwa ku Matalikilo kusika ku Ciyubunuzyo, bakambauka mu cikambaukilo, aku cisyo- . . . basikutasyoma. I Bbaibbele lyakati, “Oyo utasyomi ulipedwe kale mulandu.”

¹⁶⁹ Mu buzye umwi wa bantu aba ikuti na balasyoma kuti Muuya Uusalala ngwa ciindi ecino. “Baa, peepe nconzyo.” Sena mula syoma kuti kuponesegwa kwa Buleza nkokuli? “Baa, peepe nconzyo.” Nko kuti ngu sikutasyoma. Mbo mbubo. Ikuti na Muuya Uusalala uli muli nduwe, sena Ta kalipedi bumboni ku Ijwi Lyakwe Mwini? Elyo ikuti na muuya muli nduwe waamba caandeene kuli ceeco Leza ncaamba kuti mbwini, tauli Muuya

wa Kristo. Inga kozulilwa ku mbungano ya Kristo, pele toli wa Kristo kusikila muuya wako waambe “ameni” ku cisyomezyo conse Leza nca kapa. Alimwi cindi Na kasyomezya . . .

¹⁷⁰ Petro wakati, aa Buzuba bwa Pentekoste, wa kati, “Amusanduke, umwi aumwi wanu, a kubapatizigwa mu Zina Iya Jesu Kristo kuti mujatilwe zibi zyanu, nkabela muyo tambula cipego ca Muuya Uusalala.” Elyo ikuti na muuya wako waamba kuti eco cakali ca buzuba bumbi . . . Ino Lugwalo Iwa kaamba nzi? “Nkambo cisyomezyo cili kuli ndinywe,” ba Juda, “aku bana banu, akuli baabo bali kule,” Bamasi, “nobaba boonse Mwami Leza wesu mbayo ita.” I cisyomezyo nciconya.

¹⁷¹ Wa kati, “Ndime cisiko ca Musaansa, muli mitabi.” Elyo ikuti na eyo nje Njiisyo ya mutabi, mutabi mutaanzi, mutabi wabili weeledede kuba Njiisyo njiyonya. Elyo Njiisyo njiyonya iyoleta bulumbu mbubonya. Alimwi mbuli mutabi aumwi wasika aa Cisiko, uyo zyala cintu nciconya. Ndili kkomene, cifumo cino, Ndili kkomene loko kuti Ndi lizi kuteeti Muuya wa Leza muumi ucaambaula aku kanana ku bantu, aku zibya Ijwi Lyakwe.

¹⁷² Tu njila mu mulimo wa lubapatizyo mu kaindi buyo kaniini. Ikuti na wa kasansailwa, kutilwa, na kunyikizigwa nzila imwi kunze Iya mu Zina Iya Mwami Jesu Kristo, wa zundikizigwa kuboola ku meenda.

¹⁷³ Lino yebo wati, “Mukwesu Branham, sa waambila ndime?” Iyi, mukwesu.

¹⁷⁴ Kusansailwa ta kwaambidwe mu Bbaibbele. Kunyina busena mu Bbaibbele awo muntu umwi mpa kasola kasansailwa. Lino amuciyeeye eci. Nda kabuzya aa desiki eli, mvwiki yoonse. Amu ndijanine mu Bbaibbele awo muntu omwe mpa kasola kusansailwa ku kujatilwa kwa zibi zyabo, wakasola tilwa kujatilwa kwa zibi zyabo, na kusola kubapatizigwa kwiinda ku kunyikizya mu zina Iya “Taata, Mwana, Muuya Uusalala” ku kujatilwa kwa zibi zyabo. Takunabede muntu wakasola kusansailwa, kutilwa nanka kubapatizigwa mu zina Iya, “Taata, Mwana, Muuya Uusalala,” mu zivunisyo zyonse zya Bbaibbele. Peepe, munene. Ba kali . . .

¹⁷⁵ Kwakali bantu cimwi ciindi baka bapatizigwa kuli Johane Mubapatizi, nkabela tiiba kabapatizigwa mu zina lili lyonse pe, alimwi baka bapatizigwa a muntu nguwenya oyo waka bapatizya Jesu. Pele Paulo, cindi naka baswaana mu Ncito 19, kabaambila kuti ba keeledede kuboola aku bapatizigwa lubo mu Zina Iya Jesu Kristo, na pe niba takonzya tambula Muuya Uusalala akwalo.

¹⁷⁶ Cindi Petro nakaswaana bakatambula Muuya Uusalala kabatana bapatizigwa pe, wa ka balailila aku kkala ambabo kusikila nibaka bapatizigwa mu Zina Iya Jesu Kristo. Obo mbwini, mweenzuma.

177 Ndi lizi bantu banji baamba kuti, “Lino, Mukwesu Branham muna Jesu Alikke.” Eco cili lubide.

178 Ndi syoma buyo Magwalo. Nse zulilwi ku kabungwe kali konse. Alimwi bana Jesu Alikke taba bbizyi boobo, nekuba. Ba bbizya buyo, mu Zina lya “Jesu.” I Bbaibbele lya kati, “I Mwami Jesu Kristo.” Kuli Bajesu banji, pele biyo omwe Mwami Jesu Kristo. Mwabona? Mwabona? Kristo ngu Mesiya. Mwabona? Elyo mbo mbubo.

179 Elyo lino, beenzuma, lino, nywebo nomuli kokuno cifumo cino, nimwa taka bapatizigwa mu nzila eyo, akube kuti Jwi lya Leza liniini lya butontozi likanane kungsi kwa buntu bwanu. Alimwi kakutakwe kulanganya ceeco bbishupo, eco mbungano, eco kufumbwa cintu cimbi nco caamba, amuboole aku swiilila Mwami, nko kulailila kwangu kuli ndinywe.

180 Elyo, lino, Mukwesu Neville uyo unka mu kaanda *aka*, kuli bambila zya mulimo walubapatizyo. Elyo abo ba—ba bamba zintu, baalu bamwi bayo unka andime. Njo oba andinywe omuya, mu miniti buyo.

181 Pele Ndi yanda baabo baboola lino, cindi twaimba, “Nda konzya kumvwa Mufutuli wangu kaita.” “Njo unka Awalo. Kakutakwe kulanganya ca mbungano, Njo unka Awalo. Kakutakwe kulanganya eco muntu umwi, Njo unka Awalo lweendo lonse.” Lekela i—baalumi babambe nzila yabo ku kaanda *aka*, a banakazi babambe nzila yabo ku kaanda *aka*, mbuli mbo twiimba lino. Mpawo tuyo mwaisigwa, camulao, mu kaindi buyo kaniini lino. Yaa. Toonse antoomwe lino.

Inga ndamvwa Mufutuli wangu kaita,

182 Lino, baalumi bainke *awa*, banakazi kuya *awa*. “Wangu Mufu- . . .” Bamwi banakazi banjile omuno a banakazi aba, akaka.

Nda konzya kumvwa Mufutuli wangu . . . (Ino wamvwa nzi? Jwi Lyakwe.)

“Bweza ciingano Cangu, a kutobela, kutobela Ndime.”

Oko Nkwa . . . (Lino sena muli sinizizye ncobeni?) . . . Njo tobela,

Oko Nkwa ndisololela Ndiyo tobela,

Oko Nkwa ndisololela Ndiyo tobela,

Njo unka a Nguwe, a Nguwe nzila yoonse.

183 Lino, mbuli Mbwe amba ceeci, mweenzuma, Nda kamvwa Jwi. Elyo ikuti na Jwi tilya kaaamba kweendelana ku Jwi lya Leza, *Awa*, ndi jwi lilubide. Pele, “Mbelele Zyangu zilizi Jwi Lyangu.”

184 Mbobuti mbo konzya kuboola? Nkaaka kaambo nco boolela. Nku kaambo kakuti, “Zina lyako lya kabikkwa mu Bbuku lya Buumi lya Kabelele kuzwa ku malengelo aa inyika.” I Bbaibbele

lyakaamba boobo. Amuyeeye muntu oyo ukkede akuziba kuti obo Mbwini bwa Makanimabotu, nekubaboobo elyo cintucimwi cili bajisi, kuziba kuti ambweni zina lyabo tilya kabikkwa. Mpawo ncinzi?

“Mu buyo bala Ndi komba.” Mwabona, “Mu buyo.”

¹⁸⁵ “Oh,” yebo wati, “Ndili muntu usyomeka. Ndila syomeka. . .” Eco tacikwe cintu comwe caku cita ancico.

¹⁸⁶ “Mu buyo moba Ndi komba, ku yiisia zya njiisyo milazyo ya bantu.”

¹⁸⁷ Nda mwaambila, taakwe muntu waka sansailwa, kutilwa, nanka kubapatizigwa, mu zina lya “Taata, Mwana, Muuya Uusalala” mu Bbaibbele. Amuli Li ngule. Amu cijane. Ikuti na nko cili, boola undi tondezye, aa cibumbili sunumasiku. Mpawo, ikuti na waka citwa nzila eyo, utobela tunsiyansiya twa muntu.

¹⁸⁸ Elyo ikuti na muntumwi wa kwaambila kuti, “Ee, yebo boola akuzobamba kulyaambilila kwako, mpawo uyo tambula Muuya Uusalala.” Eco cili lubide. Eyo ni njiisyo yakabambwa aa muntu.

¹⁸⁹ Ndoolo lubapatizyo lwa bubeji lwa meenda. Ndoolo lubapatizyo lwa Muuya Uusalala lwa bubeji. I dyabulosi waka Lu kkopela nkaambo mukombi. Kaini, wisi wakali mukombi, mbuli mbu twa kazwaa kwiinda muli ncico. I lunyungu lwa nzoka luci zumanana. Alimwi Lunyungu lwa mwanakazi, kwiinda muli Kristo, luci zumanana.

“Pele, taakwe muntu ukonzya kuboola cita Taata Wangu wamuleta.”

¹⁹⁰ Lino amuyeeye bamwi bakkede waawa, cifumo cino, abo bazi kuti mwaka bapatizigwa cabubeji, mu buzumini bwabukombi bwa muntu, akutali kweendelana ku Bbaibbele, a kuzyalwa kwako kutaanzi kwa kulyaambilila kuli lubide. Mbobuti mbo konzya kusola ku lulama, kunze akuti ujokele akutalika kabotu? Amuyeeye, mvwiki eyi, Nda ka kambauka: *Tii Cakali Boobu Kuzwa Ku Matalikilo*.

¹⁹¹ Lino, elyo ikuti wakonzya kumvwa Jwi kali kanana kuli nduwe, oyo ngu Leza, nkaambo Li leendelana a Lugwalo. Ikuti na tali citi, nkokuti kuli umwi musyobo wa jwi lilubide likanana kuli nduwe. Pele Jwi liluzi liyo kwaambila kutobela malailile aa Bbaibbele; kunyina kusansaila, kunyina kutila, kunyina zybubeji. Koboola cigaminina aku tobela malailile aa Bbaibbele.

¹⁹² Amu cicite, beenzuma, ikuti na caka tola zintuzyonse. Nse kwe ndaba eco nco cinga catolela, Njo bikka ambali zintuzyonse, ku tobela Mwami Jesu.

¹⁹³ “Komvwa Jwi Lyangu. Mbelele Zyangu ziyo cita, elyo ziyo boola kuli Ndime. Elyo boonse abo bayo boola kuli Ndime, Njo

bapa Buumi buteeli, akuyo babusya ku mazuba akumamanino.”
Sena cili kabotu?

¹⁹⁴ Nceeci we, moonya mu Magwalo. Taakwe ukonzya kususya Leelyo. Mbo mbubo. Takwe ukonzya kususya Leelyo. Nceeci we, mu Nguzu zya Muuya, ku cita zintu zizyonya Jesu nzyaka cita. *Ngooyu* Mpali, aa cifwanikiso, Musumpululu wa Mulilo nguwenya, kawenda, micelo njiyonya, Muuya nguwenya, kuba akulimvwa nkukonya, mucito nguwenya, zitondezyo zizyonya, zigambyo nzyoonya. Mpaawo mpo mubede. Amumvwe Jwi lya Leza cifumo cino.

Elyo Jwi lya kati, “Samuele.”

¹⁹⁵ Kati, “Iiyi, Mwami. Iiyi, Mwami. Mpaawa Mpe ndi. Ngooyu mulanda Wako. Ngooyu mulanda Wako. Njo tobela.”

Leza alongezye mulindu. “Njo . . .”

¹⁹⁶ Yebo wati, “Mukwesu Branham, yebo ubamba eco kuyuma loko.” Ndi caamba kuti cibe ciyumu. Nca akati ka Buumi a lufu, aboobo Nde elede ku cibamba kuyuma. I Mwami abe andinywe, ngo mupailo wangu walusinizyo.

¹⁹⁷ Lino, kabatana gusya zyakubelasya mu buyake okuno, kuba i . . . kutegwa mubone lubapatizyo. Busena buli jukide ziindi zyonse. Ndi yanda kubala cimwi, kuzwa moonya mu Magwalo, kutegwa mubone kuti Ndila—Ndila bala.

¹⁹⁸ Jesu Kristo, mu cipati 16 ca Musalali Matayo, Nda syoma, kaambila Petro, “Nda pa kuli nduwe zijaluzyo zya Bwami bwa Kujulu. Kufumbwa ncoya kwaanga aa nyika, Njo anga Kujulu; kufumbwa nco angununa aa nyika, Njo angununa Kujulu.” Sa nyoonse mulizi obo? [Mbunga yaamba, “Ameni.”—Mul.]

¹⁹⁹ Aa Buzuba bwa Pentekoste, cindi Bwami bwa Leza nibwa kasika mu buzule bwa Nguzu Zyabo, sena mula syoma obo? [Mbunga yaamba, “Ameni.”—Mul.] Petro, kaimvwi. Lino, cindi Jesu nakabuka kuzwa ku bafu, Ta ka jisi zijaluzyo zya Bwami. Mbo mbubo na? [“Ameni.”] Wa kajisi zijaluzyo zya lufu a gehena, kutali zijaluzyo zya ku Bwami. Nkabela nceeci nca kaamba cindi na kali kukambauka, alimwi bakali kumvwa zintu ezi, nkabela zyakayumya moyo wabo. Nceeci cigaminina Petro nca kaaamba.

²⁰⁰ Lino amuswilisye mbuli Mbwe bala Magwalo, kutegwa mumvwisye. Neito, cipati 2. Amuyeeye. Mbangaye bakali kokuno ku kumvwa nkambauko, *Tii Cakali Boobo Kuzwa Ku Matalikilo?* Atu jokele ku matalikilo aku bona olo lubapatizyo, kubbizya kwini mbo kubede. Mbobuti mbo tweelede kubapatizigwa? Kusansailwa, kutilwa, na mu zina lya “Taata, Mwana, Muuya Uusalala”?

²⁰¹ Amuyeeye, Nda kazundikizya kufumbwa mukutausi, kufumbwa bbishopo, kufumbwa muntu, kulikoonse, kufumbwa ciindi, ku nditondezya Lugwalo lomwe awo muntu umwi mpa kasola kusansailwa, kutilwa, na kubapatizigwa mu zina

lya “Taata, Mwana, Muuya Uusalala.” Cili jukide. Tacili mu Magwalo. Peepe.

²⁰² Nkayanza, kabuzumini kabubeji, kakatalisigwa aa mbungano ya Katolika. Kusansaila kwakaanzwa aa mbungano ya Katolika kutandila myaka ili myaanda ili cisambomwe nikwa kamana lufu lwa sikwiiya wamamanino. I “Taata, Mwana, Muuya Uusalala” kwaka zuminwa aciindi nciconya, nkaambo bantu ba Katolika bakomba tuleza twandeene, elyo baka bamba butatu bwa maofesi aa Leza. Kutali Baleza botatwe; Taata, Mwana, Muuya Uusalala. Obo mbuhedeni.

²⁰³ Kuli Leza omwe. “Muta kabi a baleza bambi kumbele Lyangu.” “Komvwa, O Israyeli, Ndili Mwami Leza wako, Leza omwe.”

²⁰⁴ Imu Juda waka tubuzya, “Nguuli Leza wanu; Taata, Mwana, na Muuya Uusalala?”

²⁰⁵ Kuli biyo Omwe wabo. Alo maofesi otatwe ayo Leza nguwenya mwaka belekela, kuliyubulula Lwakwe.

²⁰⁶ Lutaanzi, muli Taata, takali kukonzya kugumwa. Kalengelela aa mulundu; noiba ng’ombe na munyama wakali kukonzya ku guma mulundu, wa keelede kujajigwa.

²⁰⁷ Mpawo Wa kaboola ansi, nkambo Wa kali kuyanda kukombwa. Wa ka swena maningi ku muntu, nkaambo Wa kaba Mwana wa muntu. Leza wakali muli Nguwe.

²⁰⁸ Elyo cindi Naka cita boobo, mpawo Wa kati, “Kwa kaindi kaniini elyo inyika taika Ndi boni limbi. Nokubaboobo, nywebo muyo Ndi bona, nkambo Mebo,” ciiminizyo ca mugame, “Ndi yooba anywebo, akwalo muli ndinywe, ku mamanino aa inyika.” Kati, “Ndi zwa kuli Leza.” Inzi? I Musumpululu wa Mulilo. “Ndi jokela kuli Leza.” Wa kacita. Wa kacita. Elyo mpawo cindi Na kacita ceeco, Wa kajokela kuli Leza.

²⁰⁹ Mpawo tu jana Paulo, mu ciiyo cesu cifumo cino, mu lweendo lwakwe kuya ku Damasiko. Elyo Wa kajana Paulo kunselelo lya mugwagwa. Elyo Wa ka muumina ansi. Elyo cindi Paulo naka langa mujulu, ino Wa kali nzi? I Musumpululu wa Mulilo alubo, Mumuni oyo wakofwaazya meso aakwe.

²¹⁰ Amulange eco Jesu ncaka cita cindi Na kali aa nyika, a kwaambila mwanakazi zibi zyakwe, kacita zintu ezi zyoonse. A kati, “Nse citi cintu citakuti Taata wa Ndi tondezya lutaanzi.”

²¹¹ Baka Mu buzya, kuti, “Nkaamonzi Yebo toinki kunselelo okuya a kuyo ponya bantu kunselelo okuya?” Kainda mu makamu mapati, oko kwakali balema, basunkuta, boofu, a baputide mibili. Wa kaponya mwaalumi waka jisi penzi lya prosteti, na cintucimwi, kalede a kabwezelo. Kati, “Nkaambonzi Yebo toponyi nkamu yoonse yabo?”

²¹² Wa kati, “Ncobeni, ncobeni. . .” Musalali Johane 5:19, lino, “Ncobeni, ncobeni, Nda mwaambila, I Mwana takonzyi kucita

cintu muli Lwakwe; cita eco Nca bona Wisi kacita, eco ncacita Mwana.”

²¹³ Ngooyu Wa boola alubo, mu mazuba aya akumamanino. I inyika yasayaansi taikonzyi ku cisampaula. I mbungano taikonzyi ku cisampaula. Nceeci we, kujokela moonya mu mbungano a kucita cintu neiconya. I Muuya! Leza uyanda abo bayo komba mu Muuya a mu Bwini. Ngooyu Mpali.

²¹⁴ Nceeci Nca kaamba aa Buzuba bwa Pentekoste, Petro kakambauka.

Oyu Jesu Leza wa mubusya, oko bali...tuli bakamboni toonse. (Sa tuli bakamboni?)

Nkikaako mukuba ku janza lya lulyo ilya Leza waka sumpulwa, . . .mukutambula kuli Taata cisyomezyo ca Muuya Uusalala, wa katila ceeci, eco nywebo lino nco mubona a kumvwa.

Nkambo Davida taka katanta ku . . .julu: pele wa kati mwini, I MWAMI waka kati ku Mwami wangu, Kokkala ku janza lyangu lya lulyo,

Kusikila Nka basinkondo bako ano kuba butantabilo bwa maulu angu.

Nkikaako yoonse ng'anda ya Israyeli izibisye ncobeni, kuti Leza wa bamba oyu nguwenya Jesu, walo nywebo ngomwa kabambula, kuba Mwami a Kristo.

Lino cindi niba kamvwa obu, (abo bakali bantu bakombi) cindi niba kamvwa obu, ba kayaswa mu moyo wabo, nkabela ba kati kuli Petro a . . .bamwi baapostolo, Baalumi a bakwesu, ino tu cite buti?

²¹⁵ Sa tuunke buyo akuba bali kabotu? Peepe, peepe. Amulagilile, Petro, uli jisi zijaluzyo ku Bwami lino. “Eco nco baambila,” Leza wakati, “Njo caanga ku Julu cindi wa caanga aa nyika.”

Petro wa kambaambila kuti, Amusanduke, umwi aumwi wanu, aku bbizigwa mu zina lya Jesu Kristo kuti mujatilwe zibi, nkabela muyo tambula cipego ca Muuya Uusalala.

Nkambo cisyomezyo eci cili kuli ndinywe, alimwi aku bana banu, a kuli baabo bali kulaale kumbi, abalo boonse Mwami wesu Leza mbaya kwiita.

²¹⁶ Lumwi lumbi Lugwalo. Nikwakainda myaka ili makumi otatwe aibili, Paulo, awa mu cipati ca 19.

Paulo wakaandulula mu zibeela zya nkomwe zya . . . Efeso: wa jana basikwiiya bamwi,

Elyo wa kabambila kuti, Sena mwa katambula Muuya Uusalala kuzwa ni mwa kasyoma?

217 Ba Baptisti, aci mvugwe maningi muli ndinywe. “Sena mwa katambula Muuya Uusalala kuzwa ni mwa kasyoma?” Kwalo nkuzyalwa, kutali kulyaambilila.

. . . Ta tuzyi oko na kuli umwi Muuya Uusalala.

Elyo wa kati . . . Nku nzi . . . nko mwa kabbizigwa kai? Ba kabbizigwa, Kuli Johane . . .

Paulo wa kabaambila, Johane ncobeni wakabbizya . . . ku lweempo, (kutali kujatilwa kwa zibi), ku lweempo, kwaamba . . . kuti mwe elede ku musyoma oyo weelede ku sika . . . nko kuti, aali Jesu Kristo.

Elyo cindi niba kamvwa ceeci, ba kabbizigwa mu zina lya Mwami Jesu Kristo.

. . . nkabela Paulo waka bikka maanza akwe ali mbabo, nkabela Muuya Uusalala waka bawida; nkabela ba kaamba mu myaambo, a kulemeka Leza.

218 Lino andi mutole kuli, Paulo, mukujala kwa lugwalo lwakwe, Bagalatia 1:8.

. . . notuba ndiswe, na angelo uuzwa ku julu, uukambauka makani ambi kuli ndinywe kunze lya ayo ngo mwakamvwa kale, amu leke abe mutuke kuli ndinywe.

219 Inga ndamutola akwalo ku Bakorinto, cipati 14, kampango ka 38, awo Mpolya kaamba.

Ikuti na muntu umwi ulibanda kuba simuuya, na musinsimi, a zibe kuti eyo . . . eyo Nje mu lembela milao ya Mwami.

Pele ikuti na walo takwe luzibo, abe buyo uutakwe luzibo.

220 Ino tuya ku citanzi kujatikizya ncico? Citondezyo coonse . . . Nda kali mu busena bwako, alimwi nsekalina bbizigwa kweendelana ku lubbizyo lwa Bunakristo, cakutalangnya eco mbungano yangu nci yeeya, na eco baama nco bayeeya, Ndi yanda kuziba eco Mwami wangu nca lailila.

221 Mwami Jesu, nci Cako lino. Elyo Nda komba kuti Uyo beleka mu moyo aumwi. Elyo kopa aba, bali mu ciziba beelede kubbizigwa, Muuya Uusalala, mbuli mbo ba Ku lindila. Mu Zina lya Jesu twa tuula bbuga lyabantu kuli Nduwe, kuti ku Buzuba obo, Mwami, akukabe kuti Nta kabi aa mulandu, pele kwaanguluka kuzwa ku bulowa bwa bantu boonse; kutali kwiiminina kansiyansiya kamwi, na kabungwe kamwi, na kabunga, pele kwiiminina Ijwi Lyako. Ameni.



AMUMVWE JWI LYAKWE TNG58-1005M
(Hear His Voice)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kavumbikaniini 5, 1958, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org